




TAUSAGA 12



FAKASOLOGA O MATAUPU

VAEGA 1: I TE 'MANA MO TE MALOSI O TE AGAGA TAPU

Ulutala:	1. Te folafola e uiga mo te Agaga Tapu	5
Ulutala:	2. Ko te fakataunuga o te folafolaga i te aso Penetekoso	7
Ulutala:	3. Te kamataga o te Lotu	9
Ulutala:	4. Te folafolaga o te muna ki tino Iutaia ne Filipino	10
Ulutala:	5. Te folafolaga o te muna ki tino fenua fakaatea Ne Paulo mo Panapa	12

VAEGA 2: TE FOLAFOLAGA O TALA 'LEI I TUVALU

Ulutala:	6. Ioane	14
Ulutala:	7. Matatia	15
Ulutala:	8. Elekana	17
Ulutala:	9. Peni	19
Ulutala:	10. Kilisome	21
Ulutala:	11. Tapu mo Sione	23
Ulutala:	12. Temumuni mo Tuiloua	25
Ulutala:	13. Timoteo	27
Ulutala:	14. Rev. Lusia Malesa	29
Ulutala:	15. Rev. Iosia Taomia	32
Ulutala:	16. Rev. Alovaka Maui	34
Ulutala:	17. Brian Ranford	37
Ulutala:	18. Meleta Faaalo	39
Ulutala:	19. Pisila T Samuelu	42

VAEGA 3: GALUEGA FAI A TE ULU OFISA O TE EKALLESIA KELISIANO TUVALU

Ulutala:	20. Matagaluega talai mo Akoakoga Faka-Kelisiano	45
Ulutala:	21. Matagaluega a Fafine	47
Ulutala:	22. Matagaluega a te Kautalavou	49
Ulutala:	23. Matagaluega o fesokotakiga	51
Ulutala:	24. Galuega ki te Fakaimasaki	53
Ulutala:	25. Galuega ki te Falepuipui	56
Ulutala:	26. Galuega ki Kauvaka mo Amatuku	58

Pese: Give me oil in my lamp io me fili mai te tusi pese

Talosaga:

Te motou Tamana, e tapu a tou igoa kae ke fai te mea e loto koe ki ei. Fakamanuia ne koe a talavou o Tuvalu kae akoako ne koe ke tausi te fakatuanaki tela ne fakavae ne koe Iesu, Amene.

tamafine ko Luta mo tamatene ko Tavita i te Feagaiga Mua mo te soko patipole ko Petelu mo tamataene faikimua ko Timoteo i te Feagaiga Fou. A talavou fataua konei ne fai mo tino takutakua i te fakatuanaki ona ko olotou olaga ne fuli ne te talitonu o latou ki a Iesu.

Mea Akoga mo fakamaina te mataupu:

Flash cards

Video i polokalame a talavou i olotou aso fakamanatu

Fakatomuaga:

Fesili ki tamaliki me e fia a tausaga o tino kae lau a tino ki se talavou; kae fia foki a tausaga o tino e gata ei tena fai mo talavou?

Akoakoga:

Ko fakamalosigina ne te mataupu tenei ke atafai kae alofagina a talavou i te lagona kae fakataua a olotou leo mo manatu; fakatasi mo te atiake a olotou olaga i feitu katoa tau te olaga; kae fakasilisili loa ko olotou olaga faka te agaga. A te talavou ka aoga malosi a tona olaga mo tena kaiga, fenua, malo mo te lotu manafai e ola mafuta mo te Atua i taimi katoa.

Mea fai a Tamaliki:

Fesili mo tali (e fakatoka ne faiakoga a fesili)

Fuaiupu Tauloto:

Failauga 11:9 "Tupulaga tuputupu, ke fakafiafia a otou olaga i a koutou koi tupu aka. Fai te mea e loto koutou ki ei, mo te mea e manako ki ei otou loto. Kae masaua i te Atua e fakamasino ne ia a koutou. Amene.

VAEGA 4: KO TE ULUMANUMALO, MATE MO TE TOETU MAI O IESU MAI TE MATE

Ulutala:	27. Ko Ulumanumalo Iesu ki loto I Ielusalema	61
Ulutala:	28. Ko te fakasatauloga o Iesu	62
Ulutala:	29. Ko te toetu manumalo Iesu mai te mate	64
Ulutala:	30. Ko te folafolaga kia Malia	65
Ulutala:	31. Ko te folafolaga kia Iosefa	68
Ulutala:	32. Ko te folafolaga ki Tausi Mamoe	71
Ulutala:	33. Ko te fanau mai o Iesu	73
Ulutala:	34. Ko Mealofa o tino poto	76

VAEGA 5: KO ASO FAKAMANATU

Ulutala:	35. Te Aso o te Tala'lei	79
Ulutala:	36. Te Aso o 'Matua	81
Ulutala:	37. Te Aso o Tamana	83
Ulutala:	38. Te Aso o te Tala'lei	85

TUSI AKOGA ASOTAPU MÔ TE TAUSAGA 12
TUSI MÔ FAIAKOGA

Ne fakatokagina a te Tusi Akoga tenei mai loto i te Ulu Ofisa o te Ekalesia Kelisiano Tuvalu i Funafuti mai lalo o te Matagaluega o Talai mo Akoakoga Faka-Kelisiano

A mataupu konei ne fakatoka katoa mai lalo o te akoakoga fakamāsani mô te kalikulamu fou tela ne faigina ne tena 'Malu, Faifeau Tokita ko Arun Gopal mai i Initia ki Saute.

Te fakamoemoega maluga ke aogã a te tusi tenei mô tatou faiakoga e fesoasoani mai ki te fakatokaga o 'tou mataupu mô te fagaiga o agaga o fanau gasolo o 'tou Ekalesia kae maise 'tou Atufenua. Te faitu tãua e 'se ko te tauloto fua mai loto i te tusi tenei, kae ko te fakaaogaga o te Tusitapu, faitau faka'lei ki ei kae ko fesoasoani atu ei a fakatokãga konei ko te mea ke faka-atili mãina ei a tena Muna.

Fai'tau a te Muna a te Atua. Fai talosaga mô tena Agaga Tapu kae fakalagolago ki tena poto mo tena malosi e mafai ei ne tatou o fakatino a 'tou tusaga tãua konei e tautua atu ei tatou ki te Atua. A te kalagagina o tatou faka-faiakoga e se se kalaga fãtauvã, kae se tiute fakatino o akoako atu a te Muna a te Atua ki ana meaalofa mô te Ekalesia, kola ko fanau gasolo o 'tou Ekalesia. Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

Ke masaua ne koulua faiakoga me tafasili atu a te mafa te taa fakamasinoga ilo niisi (Iakopo 3:1)

Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

Fuaiupu Tauloto: 2 Petelu 2:5 "...Noa kote tokovalu o tino ne ulu ki loto ite vaka..." KJV English translation

Pese: Head, Shoulders, Knees and Toes io me fili mai te tusi pese

Talosaga:

Te Aliko, fesoasoani mai kia matou fanau kote mea kote mea kafai matou ko matua ko fai mo tamana ke fai matou mo tamana lei, tamana kola e 'taki ne matou sose tino kite ola ese gatamai.

ULUTALA 38: TE ASO O TALAVOU

Pogai: Ke fakamaina ki tamaliki me i te Aso Fiafia o Talavou e faka-mailoga i ei te taua o tupulaga ko te mea ke amanaigina kae ke fakatauagina.

Tusi Faitau: Failauga 11:9-10:1

Fakatokaga mo Faiakoga:

Te Aso o Talavou e fakamailoga i ei te taua o tupulaga tuputupu o Tuvalu me ko latou konei ko takitaki o kaiga, fenua, malo mo lotu o te aso a taeao. Te aso e fakamasaua ki te lotu tela e masani fai i te vaia so muamua o Aokuso; ako talavou e faitusaga i tapuakiga fakapitoa i te lotu taeao mo te lotu afiafi. E fakasoko ki tau pese i te afiafi mo nisi fakafiafiaga i te Aso Gafua. E isi foki ne akoakoga fakapitoa kola e fakatoka mai ne te Mata-Galuega a Talavou i te Ulu Ofisa o Talavou o te Ekalesia Kelisiano Tuvalu mo fesoasoani ki olaga faka te agaga o talavou. E tokouke a talavou takutakua i te Tusi Tapu e pela mo te

vaka ko tena uiga ne fai te tiute o te tamana tenei kote mea sose tino ioto I tena kaiga ke sao mai te fakasalaga tela kote lolo. Aia ne seki fakavave ki loto ite vaka ko ia ke sao. Ese taumate e isi se tamaliki se fakalogo, ese fia fano ki loto ite vaka, kae ne seki fakatamala a Noa I ona tiute. E tena te tiute o sose tamana, a ia kote fakasino ala ko ia foki e fakamalosi I sose auala kite mea loa e mafai ne ia kote mea ko sose tino i lalo I tena tausiga e aofia iei ana fanau ke ulu ki loto ite vaka io me ke sao mai te fakasalaga ke maua ne latou ate ola ese gata mai.

Mea Akoga mo fakamaina te mataupu:

Ata ote vaka o Noa
Ata o Iesu

Fakatomuaga:

Fesili ki tamaliki me sea te mealofa a ia ki tena tamana kite aso o tamana.

Akoakoga:

Ko akoako mai nete muna ate Atua me ia taua tamana ko takitaki iloto I kaiga tela se tiute o koe kite fakamalosiiga ki sose tino iloto ite kaiga ke iloa ne ia Iesu tela e maua ai te ola (Ioane 14:6). Ite taimi o Noa kote lolo te fakasalaga ka kote auala e sao iei te tino kote vaka, taimi nei kote afi te fakasalaga ka kote auala e sao iei ko Iesu Keliso manafai koe e talitonu kae talia ne koe aia.

Mea fai a Tamaliki:

Kilokilo fakalei kite ata otou tamana
Tusi ki lalo a mea lei mo mea gali ne fai ne ia mo koe

MANATU FAKAVAE: FOLAFOLA ATU A IESU

VAEGA 1: I TE MANA MO TE MALOSI O TE AGAGA TAPU

Ulutala 1: Te folafola e uiga mo te Agaga Tapu

Pogai: Ke akoako ki tamaliki ke iloa ne latou i te Agaga Tapu ko te fesoasoani o tatou i aso taki-tasi o tou olaga.

Tusi Faitau: Ioane 14:15-31

Fakatokaaga mo Faiakoga:

Te Agaga Tapu ko te pelesona e tasi o te Atua tela e lavea i ei te malosi fakafoofogia kae malu o te Atua. Te Agaga Tapu e ave ne ia te malosi mo te maumea faka te agaga ki tino, tela ko ma fai i ei ne latou o fai a mea kola e se masani a latou o fai. A te muna *agaga* e fakauiga faka Epelu pela foki faka Eleni ki te matagi.

Ne fakaasi ne Iesu ki ona soko me ka uga mai ne ia se fesoastona igoa oani tela ko te Agaga Tapu e alatu mai i o akoako a tino ki mea katoa, kae fakamasaua atu foki a mea katoa kola ko oti ne fai mai ne ia ki a latou (14:26), o akoako mai te muna a te Atua (Nemia.9:20; Luka.12:12; 1Koli.2:13; 1Ioa.2:27), o fakamalosi a tino mo te folafolaga o te Tala Lei (Gal.1:8), o taki a tatou ki te Munatonu (Ioa.16:13; Gal.8:39).

Mea mo fakamaina te Mataupu:

Sala akoakoaga a Iesu (vitio)

Fakatomuaga:

E mata e isi se feagaiga a koe mo ou matua? Nea feagaiga kola ne fai ne koe mo ou matua kae e mata ne fakataunu te feagaiga tena meikai? Ite aso nei, ka tauloto ne tatou me i te Agaga Tapu ko te feagaiga tela ne aumai ne te Atua e alatu i tena tama ko Iesu.

Akoakoga:

A Iesu ne fai tena feagaiga ki ona soko kae ne taunu. Ne aumai tena feagaiga tela ko te fesoasoani o tatou tela ko te Agaga Tapu, ko te mea ke mafuta kae akoako kae fakamalosi ki ona soko e pena foki ki tino kola e talitonu ki te Atua. E tena foki te fesoasoani tafasili i te taua mo tou olaga ko te Agaga Tapu. Tamaliki, e tau o talia ne tatou te feagaiga tena kae ke mafuta mo tatou i aso katoa tou olaga, e fesoasoani kae akoako tatou ki munatonu. Talitonu fakamaoni ki ei kae ka maua ne koe te tokagamaliega o te olaga.

Mea e fai ne tamaliki:

Faifesili
Usu Pese

Tusi Tauloto:

Fuaiupu 26: Ka ko te Fesoasoani, ko te Agaga Tapu tena ka uga mai ne te Tamana e alatu mai i toku Igoa o akoako atu ki a koutou i mea katoa; e fakamasaua atu foki a mea katoa kola ko oti ne fai atu ne au ki a koutou. Sa manavase koutou, sa matakou foki koutou

Pese: Come Holy Sipirt I need you

Talosaga:

Te Atua, akai atu matou ki te `mana o tou Agaga Tapu ke mafuta mo matou i aso katoa.

Fuaiupu Tauloto:

Fataoto 31:30 “A te gali e fakase tino, pela foki te matagali e mafai fua o matafi, ka ko te fafine tela e fakaava ki te Alike e tau o tavae-gina.”

Pese: Fili mai te tusi pese

Talosaga:

Te motou Tamana faka te lagi, fakafetai mo omotou matua kola ne tuku mai ne koe. Te Tamana, ke tausi, ke atafai kae fakamanuia ne koe, ko te mea ke ola loa kae ol fiafia i aso koi toe o tona olaga, amene.

ULUTALA 37: TE ASO O TAMANA

Pogai: Ke akoako a tamaliki me e tasi o tiute ote tamana ko ia tela e t’aki ne ia taua fanau kite ola se gata mai.

Tusi Faitau: Kenese 6:1—7:24; 2 Petelu 2:5

Fakatokaga mo Faiakoga:

Te Aso o Tamana ne fakatu mo fakamailoga te taua o te tulaga o te Tamana. Te tamana ko ia kote takitaki. Ese gata fua aia se takitaki tela e ‘tau o ‘taki ne ia ana fanau iluga I tena olaga ke lavea ne fanau, kae ko ia se faiakoga foki te la e fakaakoako ne ia ana fanau kite mea tela e manako kiai te Atua. E uke kii a tusaga ote tamana lei tela e tasi mai iei tela ka tauloto ne taua fanau ite taimi nei me ko ia tela e taki ne ia taua fanau kite ola ese gatamai. Ite tusi ko 2 Petelu 2:5 e lavea iei ne tatou te tiute ne fai nete tamana ko Noa. Ne tala mai me ia Noa kote tokovalu o tino ne ulu ki loto ite vaka io me kote toe tino loa o ulu ki loto ite

pese mo koniseti i te po mo fakaala, fatele mo siva i te Aso Gafua.

Ko fakataua malosi a te tusaga faka-matua i loto i te Fenua, Ekalesia, mo te Malo; kae fakasilisili ko tusaga faka-matua tela e panaki mo te tausi, akoako, mo te putiputiake o tamaliki. Te tusaga faka-matua tena i loto i Tuvalu e se mafai o fakanafagina io me fakatapulagina. E se gata fua i kona a tusaga o matua, kae i loto i te olaga saukatoa e lasi te tusaga fesoasoani e fai ne latou.

Mea Akoga mo fakamaina te mataupu:

Ata o matua takutakua i Tuvalu

Ata o nisi fafine takutakua i Tusi Tapu, te Pasefiika, mo te lalolagi

Fakatomuaga:

Fesili ki tamaliki taki tokotasi me se a a tena meaalofa ne fai mo tena matua i te Aso Tapu o Matua?

Akoakoga:

Ko akoako mai te muna a te Atua ki Matua me e manakogina a matua kola e **fakatuagagina (f.10)**; e galue malosi (f.17); e kaimalie ki tino mativa mo tino fakaalofa (f.20); kae ava ki te Aliko (f.30). A te aso fiafia o Matua e fakavae ki tapuakiga ko tena uiga, a matua e tau o ola faka lagolago mo te fakatuanaki ki te Atua.

Mea fai a Tamaliki:

Kilokilo fakalei ki te ata o tou matua

Tusi ki lalao a mea gali kae lei ne fai ne ia mo koe. Tusi foki a mea kola i tau fakatau e se lei ei a tona olaga

Ulutala 2: Ko te fakataunuga o te Fola-folaga i te aso Penitekoso

Tusi Faitau: Galauaga 2:1-13

Pogai: Ke akoako ki tamaliki ke talia ne latou a te Agaga Tapu ke fai mo olotou fesoasoani

Fakatokaga mo te Faiakoga:

Te Penitekoso i te Feagaiga Mua ko te kaiga fiafia o te Katiga o Saito tela e fakamasaua i te va o te Paseka mo te Kaiga Fiafia o te Tapaneko (te Kaiga Fiafia o te Faletapu Ave Sale i Malaga) [Eso.23:16; 34:22]. Te Kaiga Fiafia o te Katiga o Saito e fai i ei a tapuakiga fakafetai ki te Atua mo taukai, tela e ave i ei a fuataga lei o fatoaga ke ofo mo fai a taulaga.

Te Aso Penetekoso i te Feagaiga Fou ko mafuli te pogai ne fakatu i ei, kae ko fakamasaua i ei te tukuga o Tulafono ki a Mose i te Mauga o Sinai (ona a te va o te okoga ki Sinai mo te paseka muamua e limasefulu aso) pela foki mo nisi fai-faiga faka-lotu.

Te okomaiga o te Agaga Tapu ne fakamailoga ki te matagi malosi tela e gulu mai i te lagi. Ne oko ki te fale tela e nofo i ei a soko te laumatagi tena. I kona foki loa, lavea i ei ne latou a ulaga afi e pela mese alelo e patele ki luga i ulu o soko, tena ne faipati i ei a latou ki `gana ke-se`kese.

I te tusi faitau, a Ielusalema ko fonu i tino kola ne aumai o fakamasaua te Penetekoso (te limasefulu aso mai tua o te Paseka) kae fetau loa mo te okomaiga o te Agaga Tapu. E tenei te meaalofa a te Tamana e auala ia Iesu mo fesoasoani ki ona soko pela foki ki tino katoa i te

folafolaga o te Tala 'Lei.

Mea mo fakamaina te mataupu:

'Sala ne ata lomi (Te vauga o te Agaga Tapu)

Fakatomuaga:

Kai lagona aka ne koe se mea e gulu? Io me kai fepaki aka loa koe ne te afa? Te mataupu taua tenei a tatou i te taeao tenei ko te vauga o te Agaga Tapu ki tino talitonu i te aso o te Penite-koso.

Akoakoga:

Se tulaga fakafoofogina ki a tatou kae maise la ki tino maopoopo i te aso o te Penitekoso e tusa mo te 'mana mo te malosi o te Atua tela ne fakaasi eiloa a Ia ki a latou kae maise la ko te vauga o te Agaga Tapu. Tulaga o te fakamanuia tela ne maua ei ne tino tali'tonu kola ne maopoopo i te vaitaimi tena. E mata e fakafesiligina ne tatou, me i tulaga nei ko 'nofo tatou me koi oko mai eiloa te Agaga Tapu ki a tatou. Ao, kae ko te galuega o te Agaga Tapu e galue i loto ia tatou tela e fakaasi ei ne tatou i tou uiga kae maise la ko te fai ne tatou te loto o te Atua, Ko te fai ne tatou a te 'lei e fakafoliga ei ne tatou a uiga o te Atua i aso katoa o tou olaga.

Mea e fai ne tama'liki:

Tusi katoa ki lalo a galuega o te Agaga Tapu?

Tusi Tauloto:

Galuega 1:8

Pese: Come Holy Spirit I need you io me fili mai te tusi pese

Talosaga:

Te Atua, akai matou ki te fesoasoani o te Agaga Tapu ke fakamalosi matou I sose tiute kala-

Talosaga: Te Atua Tafasili i te Malosi, fakafetai mo olaga o au taviniloto lasi kola ne kufaki ne latou a vasa mo afa kae ne fakasao ne koe ko te mea ke maua ne matou a te Tala Lei o te Fakaolataga i a Iesu. Fakamanuia au tavini kola e feagai mo faigataga ona ko te folafolaga o tau Tala Lei, amene.

ULUTALA 36: TE ASO O MATUA

Pogai: Fakamatala ki tamaliki ke maina lei i te Aso o Matua e fakamasaua i ei a tusaga lasi kola e fai ne matua mo latou, mo te kaiga e pela foki mo tulaga kesekese o te olaga.

Tusi Faitau: Fataoto 31:10-31

Fakatokaga mo Faiakoga:

Te Aso Fiafia o Matua e fakamailoga i ei te tulaga mo te tusaga o matua i loto i Tuvalu ona ko te taua o tusaga e panaki mo latou kamata mai i te fale, te kaiga mo fanau, te Ekalesia, te fenua i Fale-Kaupule mo fakapotopotoga a fafine mo tulaga kesekese i te malo mo te olaga faka Tuvalu. Ne talia ne te Fono Lasi i te 1986 ke fakamailoga te Aso Tapu o Matua i te toe Aso Tapu o Iulai. Ne filigina ne fafine a te aso tenei e fakamanatu foki ei te Mafutaga a Fafine o te Ekalesia Kelisi ano Tuvalu. A fiafiaga o te Aso o Matua e tala loa ki tapuakiga i te Aso Tapu tena i te lotu taeao mo te afiafi kola e fakatoka kae takitaki ne fafine. E tenei te taimi tela e uke a meaalofa e fakatoka ne tamaliki ma olotou matua, e fakatino i ei te fakafetai a latou mo te tausiga alofa a te matua ki a latou. A tagata i te aso tenei e kuka kae fakatoka a meakai mo fakagaligali te Aso o Matua. A fakafiafiaga e fakasoko ki tau-

agaga o tino. E fakasoko te polokalame ki tau-pese i te po mo te fakaala mo faiga fatele i te Aso Gafua.

Mea Akoga mo fakamaina te mataupu:

Ata o Iesu

Ata o faifeau Samoa kola ne galue i Tuvalu

Fakatomuaga:

Fesili ki tamaliki me kaia e se fiafia ei a latou ki lotu mo te akoga i Aso Tapu?

Akoakoga:

Te Tala Lei a Iesu ne fulli ne ia a olaga o tino i Tuvalu ke lei. I aso taumua, a tino i Tuvalu e ifo ki tupua kae nofo mo olotou atua faite, kae atamai foki i poto fakataulaitu. Te olaga faitaua mo te loto masei e fakamasei ne ia a va o fenua mo potukau. A avaga e puke ki mafi mo uiga pouliuli pena. A amioga mo uiga katoa kona ne avekeatea ne te Tala Lei kae ko fou a olaga o tino; e tena te pogai e taua ei te aso fiafia tenei.

Mea fai a tamaliki:

Lomi te ata o te vaka o Elekana kae e peipei ne galu i te matagi malosi

Lomi te ata o Elekana mo tena Tusi Tapu i tona lima kae akoako a tino i Nukulaelae

Fuaiupu Tauloto:

Loma 1:16(a) "I au e se ma i te Tala Lei; i te mea ko te mana o te Atua e fakaola i ei a latou katoa e fakatuanaki."

Pese: Fili mai te tusi pese

gagina ei matou, amene.

Ulutala 3: Te kamataga o te Lotu

Tusi Faitau: Galuega 2:37-42

Pogai: Ke fesoasoani ki tamaliki ke malamalama i te kamataga o te lotu

Fakatokaga mo te Faiakoga:

Te lauga a Petelu ne lagona ne tino katoa ki olotou `gana tonu eiloa, tela ne maina lei a latou i te fekau a Ia. E tena te pogai ne fesili ei a latou ki Apositolo me sea te mea e tau mo latou o fai.

A te uiga o te salamo i te Feagaiga Mua i te muna Epelu *shub* e fakauiga ki te "foki ki te koga ne vau koe i ei, ko fano ei a koe i te auala tonu ki te Atua." I te Feagaiga Fou a te muna Epelu *shub* e pela mo te muna Eleni *metanoein* tela e fakauiga ki te *fuli kae fakafou a te mafau-fau*. A Ioane te Papatiso ne fakaasi ne ia me e tau o fakaasi ki faiga lavea a te loto salamo tonu (Mat.3:9-10). A Iesu ne kamata a tena galuega ki te fakaasi ne Ia me ko tau a tino o salamo me ko pili mai te Malo o te Atua (Male.1:14-15).

Papatiso

Te tokoukega o tino ne talitonu ki a Iesu kae ne papatiso katoa ona ko te lauga a Petelu. E tusa mo te toluafe a tino ne faopoopo ki te lotu fou tenei ko kamata ne Apositolo.

Mea mo Fakamaina te Mataupu:

`Sala ata o tino e folafola ei te muna a te Atua

Fakatomuaga:

E fiafia koe mo fai se tino e folafola a te muna a te Atua i so se koga o te lalolagi?

Akoakoga:

E tenei te mea e tupu e fanau manafai e folafola ate muna ate Atua, me I tino e faopoopo aua me tenei te auala e faite iei ate fakatuanaki o tino kia Iesu. Loma 10:17 e fai mai "me ite fakatuanaki e kamata ite lagona ka kote faka-logologo kite muna ate Atua"

Faitau Tauloto:

Galuega 1:8 "Ka fakafonugina koutou ite mana manafai e oko atu kilugaia koutou ate Agaga Tapu. Ka fai foki koutou mo molimau kia au i Ielusaalema, I Iutaia katoa mo Samalia, ke oko e iloa ki kapakapalagi ote lalolagi"

Pese:

Go! tell it on the mountain io me fili mai te tusi pese

Talosaga:

Agaga Tapu, mafuta mo matou ke mafai ne matou o fai tau galuega i feitu katoa o te lalolagi.

Ulutala 4: Te folafolaga o te Muna ki tino Iutaia ne Filipino.

Tusi Faitau: Galuega 8:4-25

Pogai: Ke akoako a tama'liki ke fia'fia o folafola a te Muna.

Fakatokaga mo te Faiakoga:

A Filipino tenei ne tofi tasi mo Setefano mo nisi (f.5) ke pule kae tufatufa ne latou a tupe mo koloa (f.2) a ko apositolo ka fakasaga loa o folafola te muna. Fakamauli ifo ne ave ne ia te Tala 'Lei ki Samalia. Ne papatiso foki ne Ia a te Eunuka (26-39) tela ne se maina i te tusi a te pelofeta

Fuaiupu Tauloto: Mataio 2:6 "A koe foki e Petelema i te fenua o Iuta, ka sili atu tou taulia i Aliko o Iuta; me e tupu mai ia koe se takitaki tela ka pule ne ia toku fenua ko Isalaelu."

Talosaga:

Te Atua o te Alofa tauanoa, fakafetai matou mo te tala gali. Kae akai matou ke fesoasoani mai koe ki omotou olaga, ke fiafia matou o 'sala faeloa ki a koe i omotou olaga, kae maise, ke fiafia foki ma-tou o 'ola mo koe. Amene.

ULUTALA 35: TE ASO OTE TALA 'LEI

Pogai: Ke akoako a tamaliki ke maina fakalei me i te Tala Lei ko te tala o te fakaolataga tela ne fuli ne ia a olaga o tino mai te pouliga ki te mainaga o Iesu.

Tusi Faitau: Luka 2:8-20.

Fakatokaga mo Faiakoga:

Te Aso Fiafia o te Tala Lei i Tuvalu e fakamanatu i ei te okoga mai o te lotu io me ko te Tala Lei a Iesu tenei e fakavae kae tausi ne te Ekalesia Kelisiano Tuvalu.

Te aso fiafia tenei e fai i ei te tapuakiga fakapitoa tela e fai i te lua o Aso Tapu o te masina o Mee. E masani o fakamatala a tala o te oko maiga o te Tala Lei ki Nukulaelae mo fenua katoa o Tuvalu. E tenei foki te taimi e fai ei a taulaga tupe a kaiga, fakapotopotoga mo vasega, ke oko ki tino takitokotasi ki te Ekalesia mo fai ana galuega pela foki mo polokalame e atiakega i ei a olaga faka te

Mea a'koga mo fakamāina ei a te mataupu:

· Ata #57

Niisi ata mafai e isi

Fakatomuaga:

Kaiā e ave saale ei a meaalofo a tino ki pepe io me ko taimi o asofanau?

Akoakoga:

A tagata poto konei mai i te sopoga'la ne fai-malaga mai o `sala, o faimeaalofa kae o tapuaki ki te Aliko, te Fakaola tela ne lavea ne latou a tona fetu fakatino. Ne mai latou mo te mautinoa mo te loto tali'tonu ko latou ke oko ki te fale e fanau ei a te Aliko. E `pau eiloa mo tatou i aso nei, e lavea ne tatou a tino e fai meaalofo saale foki ki tamaliki foliki mo tino kola ko fai olotou asofanau, mea nei ne fakaasiga katoa o te a'lofa mo te amanaia ne tatou a te tino tela io ia a te asofanau. A te fanau mai o Iesu se meaalofo tena a te Atua te Tamana mō tatou tino katoa, ne tuku mai tena ola ke mate a ia mō `tou agasala ke fakamagalogina. Seā la nei a `tou tali ka tali atu ki te alofa o Iesu mo tena Tamana? Tamaliki, ke tuku atu foki a `tou ola mo `tou foitino ke fakaaoga mo fai a te finagalo o te Atua i te lalolagi nei i aso katoa e ola ei tatou.

Mea fai a tamaliki:

· `Kala a te ata #57

Faifesili ki fesili e autu tonu loa mo te `tala a tatou i te taeao nei.

Pese: Tuku tau Meaalofa mo te Aliko....io me fili mai te tusi pese

ko Isaia tela e faitau ne ia i tona auala foki ki Aitiope.

A Simona se tino faivalakau tela e fai mea fakaofoofogia kae ne manako ke togi ne ia te malosi o tuku te Agaga Tapu ki tino e fakaeke a ona lima ki ei.

A Samalia i konei e se se igoa o te fakai kae ko te igoa o te koga fenua tena (f.25e). A Filipino ne folafola te Tala `Lei i konei, faka'lei ne ia a tino masaki kae papatiso a tino talitonu. Ne logo a Apositolo ko Petelu mo Ioane kola ne aumai kae ne fakaeke a la lima ki tino talitonu maua ei ne latou te Agaga Tapu.

Ne fakaasi ne Filipino tela se tiakono fua me se ko faifeau fua (apositolo) e tau o folafola te Tala Lei, kae so se tino talitonu tela e fiafia o folafola a te Muna a te Atua.

Mea mo Fakamaina te Mataupu:

Flannel Cards

Fakatomuaga:

Ko oi a tino e iloa ne koutou ko fai mo misionale i te galuega a te Atua? Io, me ko oi e mafai o fai mo misionale?

Akoakoga:

Tamaliki ke ola ne taaua fiafia o folafola ate muna ate Atua aua me fakamanuiagina koe nete Aliko e pela eiloa mo tena muna

Mea e fai ne tama'liki:

Tusi ne tama'liki ki lalo a auala e mafai o folafola a Iesu

Faitau Tauloto: Loma 10:15b "...e fakamanuiagina a vae o te tino tela e ave a te Tala'lei

Pese: Fili mai te tusi pese

Talosaga:

Te Atua, fakamalosi mai ke mafai ne matou o folafola koe ki tino katoa

Ulutala 5: Te folafolaga o te Muna ki tino o fenua fakatea ne Paulo mo Panapa.

Tusi Faitau: Galuega 13:4-29

Pogai: Ke fakamaina ki tama'liki me i te 'mana o te Agaga Tapu e fesoasoani ki te folafolaga o te Muna.

Fakatokaga mo te Faiakoga:

A Saulo ne fanau i Taso i Kilikia (Gal22:3) kae ne akoga i te faiakoga takutakua ko Kamalielu. Ne fai a ia mo Falesaio i te tausiga o akoakoga mo Tulafono faka-Iutaia (Fil.3:5). Ne fakasaua ne ia a Kelisiano ka koi tuai a ia o fuli mai ki te talitounuga ki a Iesu (Gal.22:6). Ne 'fuli a tona igoa ki a Paulo i Anitioka (Gal.13:9).

A tino fakataulaitu, faivailakau, tino fakamatala a mea tupu i aso mai mua mo tino katoa pena (kola e tavini ki te Tiapolo), pela foki mo uiga mo faifaiga pena, ko leva loa ne isi i te olaga tenei. A te Tusi Tapu e teke malo ki te fakaaoga, fakaakoako io me isi se vaega o tou olaga e fakaaoga mo mea pena (Isa.8:19; 44:25; 47:12-15; Teu.18:10-12; Gal.8:9-24;13:6-11; 19:13-20; Fak.21:8; 22:15). Pa-Iesu io me ko Elima se tino faivalakau tela ne fakalavelave ne ia te galuega a Paulo ki te kovana, a Paulo ko fonu i te 'mana mo te malosi o te Agaga Tapu, tena ne fai i ei ne ia a Elima ke kivi a ona mata.

Mea mo Fakamaina te Mataupu:

kae fakamuli ifo ne kati a tona ua i te manakoga o Helotia (Mata.14:1-12; Male.6:14-29; Luka.3:19-20; 9:7-9). Ko Helota foki loa tenei ne fakamasino ne ia a Iesu (Luka.23:6-16; Galu.4:27). A tino Poto mai te Sopogala i te gana Eleni 'Magi' e fakauiga ki tino fakataulaitu; kae i a Mataio (2:1) e fai mene aumai mai te Sopoga-la kola ko fenua faka Alapi mo Mesopotamia. A tino Poto konei ne poto i mea tau fetu me tela e takitaki ne te fetu (2:2) kae ne tino o fenua fakatea me e 'se iloa ne latou a muna a pelofeta e uiga mote koga ka fanau mai o Iesu (2:2-6). Ona me tolu a meaalofa (2:11) ne tuku ki a Iesu, ko tuku taumate ei me tokotolu a tino Po-to mai te Sopogala, ka ko latou kona ne tupu e pela mo te moli-mau a Isaia (60:3).

Lesona:

I te vaitaimi tenei, ko taimi o te tupu ko Helota. Ne logo te tupu ite Keliso ko fanau mai, kae ne lamalama ne Helota ke tamate neia Iesu ka ko nofo iei a Malia mo Iosefa mo te pepe i te fale o manu. A Helota ne vau ite gafa o Esau, tela e fai fili mo tekau Iutaia. Ko pilipili ki te oti o tena nofoaiga, kae ne malaga mai iei a tino poto mai ite Sopogala o sala ate Tupu ote kau Iutaia. Ona ko te tulaga atamai o latou, tela e filifiligina sale faeloa latou ke ola o faipati ki te tupu. I te malaga o olo o sala te Tupu, e lavea ne latout e fetu pula, ka mai ite lotou maina i fetu, mote faitau foki ki tusi-tusiga fakapelofeta, e iloa ne latou o fakamatala te uiga o te fetu pula, me ko te fetu o te Tupu. Ne taki latou ne te fetu ki te koga tela e fanau iei ate Pepe. Ne lafo olotou meaalofa kite Pepe o Pe-teleema, te Fakaola o tino katoa.

ULUTALA 34: KO MEAALOFA A TINO POTO MAI I TE SOPOGALA.

Pogai: Ke fakamaina ki tamaliki, me i te fai meaalofo ki te pe-pe ko Iesu, se faifaiga e fakamalosi ne ia a te fai mealofa o tatou ki te Atua.

Tusi Faitau: Mataio 2:1-12

Fakatokāga mō Faia’koga:

Peteleema (te Fale o Falaoa) se fakai foliki tela e lima maila ki te feitu ki Saute o Ielusalema, kae e tusa mo te 750 meter te maluga mai i te levolo o te tai. Tenei te fakai o Tavita mo ana matua (1Samu.16:1; 17:12). Ne takutakua malosi te fakai tenei mene fa-nau mai i ei a Iesu (Mika.5:2; Mata.2; Luka.2; Ioa.7:42). A Helota te Sili (Herod the Great) ko 'te tupu o tino Iutaia' i te tai-mi ne fanau ei a Iesu kae a ia ne mate foki loa i te tausaga foki loa tena i te 4 B.C. Ko Helota tenei ne faite ne ia te Fale-tapu i Ielusale-ma tela ne kamata i te 20 B.C kae ne oti lei i te A.D.62 ka ko leva ne mate i ei a ia. A Helota te Sili ne sui ne tena tama ko Helota Anitipa (4 B.C-A.D.39) tela ne feagai mo Ioane te Papaptiso mo Iesu (Mata.14:1-12; Male.6: 14-29; Luka.3:19-20; 9:7-9; Male.8:15; Luka.13:31-32; 23:6-16; Galu.4:27). A tena tulaga ne fakase ne tona fiafai ki a Helotia tela e fakatamana ki a ia, kae avaga mo tena taina ko Hel-ota tela e ma-tua kesekese laua. Ona ko tena manakoga tena, ne mavae ei a ia mo tena avaga, kae avaga mo Helotia. A Ioane te Papatiso ne fakaasi ne ia a tona se fiafia ki tona uiga tena, tela ne pei i ei ne ia a Ioane ki te falepuipui

Lomi ne koe te Faiakoga ne ata (tino kola ko talia ne latou a te folafolaga o Iesu)

Fakatomuaga:

E mafai ne koe pefea o fakaoko te folafolaga a Iesu ki tino? Ko oi a tino o fenua Fakaatea? Paulo mo Panapa ne galue ki tino o fenua fakatea i te fesoasoani o te Agaga Tapu.

Akoakoga:

Fanau, e lavea ne taua I te tala a tatou me I te galuega tela ne fai ne Paulo mo Panapa e ui loa e isi ne fakalavelave kae lavea ne tatou me I te Atua tela eo ia te galuega ko ia e malosi atu I sose mea mea tela e vau o fakalavelave ki te galuega. Tela la ko taua ke fiafia o fai te galuega aua me ko te manuia o koe tena.

Mea e fai ne tamaliki:

Fai fesili

Faitau Tauloto: Loma 10:15b

Pese:

All over the world io me fili mai te tusi pese

Talosaga:

Te Aliko, ligi mai tou Agaga Tapu ko te mea ke mafai ne tino konei fakaatea o talia tau folafolaga kae maise fakamalosi mai ke mafai ne matou o loto toa i te faiga tau galuega.

Te Manatu Fakavae o te Tausaga: Folafola atu a Iesu Keliso

VAEGA 2: TE FOLAFOLAGA O TALA 'LEI I TUVALU

Ulutala 6: Ioane

Pogai: Ke iloa ne tama'liki me i te folafolaga o te Tala 'Lei e aumai ne ia te ola filemu ki tino.

Tusi Faitau: Galuega 9:32-35

Fakatokaga mo Faiakoga

I te tausaga e 1864, ne oko mai ei a te malaga a faifeau muamua o te L.M.S mai Samoa ki Tuvalu. A te malaga tenei ne takitakigina ne te faifeau palagi ko A.W. Murray. Ne tuku aka Ioane mo tena kaiga ke fai mo faifeau ne galue muamua loa i Nukulaelae i te tausaga e 1864.

A tusaga taua ne fai ne Ioane ne fakaseai ne Ia a te faifaiga masani o tino Nukulaelae o ofo atu a olotou tamaliki tagata toekimua ki atua fapau-pau mo fai olotou taulaga i te koga koga e igoa ki te 'faleatua'. A te Tala 'Lei ia Iesu tenei ne folafola ne te faifeau ko Ioane ne fakamalosi ne ia te olaga filemu i tino mo te fenua ko Nukulaelae.

A te tusi faitau e fakamatala i ei te faka'leiga o Ainea tela ne pili i loto i te 8 tausaga kae ne faka'lei ne Filipino. Te galuega folafola o te Tala 'Lei a Filipino ne aumai ne ia te olaga filemu ki olaga o tino e pela mo te mea ne fai ne Ioane i Nukulaelae.

Mea Akoga mo Fakamaina te Mataupu: Fakaoga te ata o poti faika i te tai.

Fakatomuaga

E isi se tamaliki e iloa ne ia me anafea ne oko mai ei te tala 'lei ki Tuvalu? A te tala ka fakalogologo tatou ki ei ko te tala i te okomaiga o te tala 'lei ki Nukulaelae tela ko te fenua muamua ne oko ki ei a te Tala 'Lei i Tuvalu nei.

A te fanau mai o se pepe ki loto i se kaiga, se fakafiafiaga lasi ki loa ki matua mo kaiga o te pepe kae maise ko te tamaliki muamua loa tela ko te ulumatua. A matua e masani o fakatoka saale ne laua a kope o te pepe pela mo pitaake, ko te tiisi koukou ko te fa-gu susu mo niisi mea aka foki. Amutia tatou kola ne fanau i te fa-kaimasaki io me i loto i se fale gali kae mafanafana, kae fai mai a te Tusi-tapu, me ia Iesu ne fanau fua i loto i te fale e tausi ei a manu pela mo pulumakau mo kouti mo mamoe, ona me ko seai se avanoaga mo latou i loto i fale talimalo. Tamaliki, a te fanau mai o Iesu i loto i te fale manu se fakaasiga o te auala o te loto maulalo kae se ko te fiamaluga mo te fiasili. Tela la, ke fakakoako tatou ki te Aliko ke ola tatou i se olaga loto maulalo mo te alofa.

Mea fai a Tamaliki:

'Kala a te ata #54.

Fai a fesili mo atili fakamāina ei a te tala o te taeao nei.

Pese: "Ko fanau mai te pepe...." io me fili mai te tusi pese

Fuaiupu Tauloto: Mataio 5:5 "Amutia a latou kola e loto malalo me fai ma latou a folafolaga a te Atua."

Talosaga:

Te Atua te motou Tamana alofa, fakafetai mo te fakaasi mai ne koe se ata fakaakoako ki a matou, ko te mea ke ola matou i te loto maulalo. Fesoasoani mai ke mafai ne matou o ola i loto i tou finalo. Amene.

fakaola ke faka-galue mo tino o te lalolagi. A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakū ki te Atua (Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). " ... fakamoe i te tali fagai manu, me ko seai se koga mo latou i te fale-talimalo" te ata o te tavini loto malalo kae 'e se kai filifili' me seai i a ia te loto fia sili kae ko te loto alofa mo tino katoa.

Lesona:

Ne fakatonu ne Kaisala Aokuso ke fai te tusiga igoa i fakai o tupu-ga o latou. Ko Kulene i ei te kovana o Sulia. Kaisala Aokuso ne pulepule mai ite 27 TMK ke oko ki te 14 TMTK. A Iosefa mo Malia ne aumai kite tusiga igoa, kae ko te taimi tonu foki eiloa ne fanau iei a Malia. Ko te fakataunuga ote valoaga nefai ne te pelofeta ko Mika 5:2 Muna ate Aliko "Peteleema Efalata, a koe se fakai e tasi mai fakai foliki eiloa o Iuta, kae ka avaka ne au mai i a koe se pule mo Isalaelu, ko tena gafa e vau mai aso mua eiloa." I te okomaiga ki Peteleema, ko fonu te fale talimalo, kae ko seai se koga.

Mea a'koga mo fakamāina ei a te mataupu:

Ata #54

Fakatomuaga: Kai isi aka loa se tamaliki i Tuvalu nei ne fanau i loto i se pamoā, pa-taki io me se saipuaka?

Akoakoga:

Akoakoga

E lavea ne taua fanau mai te tala me I te folafolaga a te muna a te Atua e aumai ne ia te olaga filemu. Te olaga filemu tatou takitokotasi, te olaga filemu otou kaiga, fakapotopotoga, malo mais ete Ekalesia e maua fua manafai e folafola ne tatou a te muna a te Atua.

Mea Fai a Tamaliki : Usu Pese

Fuaiupu Tauloto: Mataio 28:19

Pese: "Te fekau o te tala 'lei" io me fili mai te tusi pese

Talosaga:

Fakafetai te Atua mo te olaga o au tavini kola ne aumai ne latou a te tala 'lei ki Tuvalu nei. Fakafetai me ko oko mai a tou mainaga tela ko maua ei ne matou a te fakaolataga e auāla i te talitonu mo te fakatuanaki ki a koe. Talo atu matou ke fesoasoani mai ke mafai ne matou o talai atu tau tala 'lei ki nisi tino. Amene

Ulutala 7: Matatia

Pogai: Ke fesoasoani ki tama'liki ke iloa ne latou me i te ola o te lotu mo te fakatuanaki e auāla i te galue malosī o tavini o te Tala 'Lei.

Tusi Faitau: Galuega 16.1-5

Fakatokaga mo Faiakoga

A te faifeau muamua loa ki Funafuti ko Matatia tela se faifeau Samoa kae ne vau i te malaga a A.W Murray fakatasi mo te faifeau o Nukulaelae i te 1864. A Matatia ne fesoasoani ki tino i luga i te fenua fakatasi mo Jack O'Brien tela se palagi o fesoasoani ki te Pule fenua o Funafuti e igoa

kia Kaitu o 'teke atu ki te fakatauatuga o tino Funafuti ke fai mo pologa i Peru, i Amelika ki Saute. A Jack O'Brien ne fesoasoani foki ki te faifeau i mea tau te lotu.

Ko te po 19 o Oketopa 1866 ne toe asiasi mai ei a Murray ki Tuvalu i te vakamutu ko te 'Susanne'. Ne asiasi mai ei a Murray ki te galuega i Funafuti tela ne matea ake ne ia me ko oko eiloa i te olaola 'lei a te galuega folafola i ei.

I te tusi faitau o te aso nei e fakamatala mai i ei a te ola o te lotu mo te fakatuanaki i tino ona ko te galue malosi o Paulo o folafola ne ia a fakatonuga kola ne fakatoka ne Apositolo mo toeaina i Ielusalema mo tino talitonu.

Mea Akoga mo Fakamaina te Mataupu: Ata o te faifeau e talai te tala 'lei.

Fakatomuaga

Sea a te tiute mo te galuega o Faifeau? A te galuega o faifeau ko te folafola atu te muna a te Atua. Tama'liki, A te tala a tatou ko te tala o te faifeau muamua o Funafuti ko Matatia.

Akoakoga

A te tusi faitau e fakamatala i ei a te folafolaga o te tala 'lei ki fenua fakaatea. Paulo ne fai malaga atu ki Teipe mo Lusa. I te okoatuga ki kona ne ga'ue tasi a Paulo mo Timoteo. Ne pilitome ne Paulo a Timoteo ke fesoasoani ki a Ia. I te olaga fakatau fesoasoani o Paulo mo Timoteo ne ala ei o manuia a te galuega a te Aliko i fa'kai kona. Mai te tala o te faifeau ko Matatia, ko iloa ne tatou a te tulaga mo tiute o faifeau kola ne tavini a te Atua. A Matatia ne lasi ki a tena fesoasoani e maua ne ia mai nisi tino o te fenua ko 'fuli ki te Atua tonu. Ke pena a tatou tama'liki ke talai kae molimau ne tatou a Iesu Keliso i tou olaga e

me ko sae mai a te agelu o folafola mai a te Tala 'Lei ki a latou

Mea fai a tamaliki:

Kala a te Ata #54

Fai a fesili mo atili fakamaina ei a te tala o te taeao nei

Pese: "Ko fanau mai a te pepe" io me fili mai te tusi pese

Fuaiupu Tauloto: Mataio 5:5 "Amutia a latou kola e loto malalo me fai ma latou a folafolaga a te Atua"

Talosaga:

Te Atua te motou Tamana alofa, fafetai mo te fakaasi mai ne koe se ata fakaakoako kia matou, ko te mea ke ola matou I te loto maulalo. Fesoasoani mai ke mafia ne matou o ola iloto I tou finagalo, Amene.

ULUTALA 33: KO TE FANAU MAI O IESU

Pogai: Ke akoako a tamaliki ke māina i te 'tala o te fanau mai o Iesu.

Tusi Faitau: Luka 2:1-7

Fakatokāga mō Faia'koga:

Te tusiga igoa (census) te la ne fakatonu ne Kaisala Aokuso kae ko Kulenio ko te kovana o Sulia e fakapatonu kae fakamailoga i ei a te taimi (date) ne fanau i ei a Iesu. Ko tona uiga, i loto i gasologa o tala tuku fakasolopito o te lalolagi, ne gaki mai i ei a te Atua mo ana fuafuaga, mo tena palani

te fakamasinoga a te Atua (Mata.13:49-50).

Lesona:

A tausi mamoe e nofo ite vao, ite po kae fakaasi atu te agelu mo te fekau kia latou me ko fanau te Pepe o Peteleema ite fakai o Tavita. Te agelu, ko te avefekau ate Atua. Ite mataupu silisili, a Iesu kote Fakaola, ko ia foki ko te Keliso, te Atua Fauu kae fakata-pu, ko te Mesia. A Ia foki ko te Aliko. Muna te agelu, ka maua atu ne koutou te tamaliki e pulupulu ki laugatu, kae e fakamoe aia I loto ite tali fagai manu.

Mea a'koga mo fakamāina ei a te mataupu:

Ata 55

Fakatomuaga:

Kafai a te po ko pouli aka loa kae `nofo tatou i te vao, kae sae fakavave mai se mainaga pula kae lasi, mata tatou e poi kae ma'taku?

Akoakoga:

A fakaasiga katoa konei ne `tupu, ne mea katoa e molimau mai ne latou a te `kese mo te `malu o te tamaliki tenei ka fanau mai. Ko `kese mai fanaumaiga o tino katoa kola ne fanau mai mua o Iesu, kae ke oko foki loa ki aso nei, seki ai loa se tino ne fanau mai ke isi ne fakaasiga pela mo fakaasiga konei ne `tupu i te taimi ne fanau mai ei a Iesu. A tausi mamoe kaati ne `poi katoa kae matakū me sea la a te mainaga lasi tenei ko maina mai luga o latou. Ne `poi foki

pela mo faifeau ne folafola te Tala `Lei o Iesu Keliso. Ke fia'fia foki tatou o fesoasoani ki faifeau pela mo te Pule fenua o Funafuti, ko Kaitu mo te palagi ko Jack O'Brien ne fesoasoani ki a Matatia i te talaiga o te tala `lei.

Mea fai a Tama'liki: Usu Pese

Fuaiupu Tauloto: Galuega 8.f12

Pese: Fili mai te tusi pese

Talosaga

Fakafetai te Atua mo tou kaufakatasi ki au tavini faifeau taumua kola ne fakaoko mai ne latou te tala `lei e uiga kia Iesu Keliso. Matou e talo ke fesoasoani mai ki a matou ke tupu ake matou i te foino malosī kae ke molimau atu ne matou a koe ki omotou taina mo tuagane. Amene.

Ulutala 8: Elekana

Pogai: Ke fesoasoani ki tama'liki ke maina me i te olaga folafola te Muna e fakafeagai foki mo faigata mo fakalavelave e uke.

Tusi Faitau: Galuega 14.1-7

Fakatokaga mo Faiakoga

A Elekana ko te faifeau muamua loa ne galue i Nukufetau kae ne vau i te malaga a te misi ko A.W Murray i te 1864 tela ne aumai foki i ei a te faifeau o Nukulaelae mo Funafuti. A Elekana tenei ko ia tela ne aumai ne ia te Tala `Lei i te akega o tena kaumalaga i Nukulaelae 1861.

E uke a galuega aoga ne fai ne te tavini faifeau ko Elekana i luga i Nukufetau. Mai i akoakoa a Elekana e uiga mo Iesu ne `fuli i ei a tino o te

fenua mai te talitonuga ki atua mua o latou ki te Atua tonu. I kona ne kamata ei o tapuaki a tino Nukufetau ki te Atua tonu. I tausaga ki tua ifo ne fakafeagai a Elekana mo fakalavelave i luga i te fenua tela ko `teke ne tino Nukufetau. Mai fakalavelave konei ne galue malosi eiloa a Elekana o molimau ki te muna a te Atua ke oko ki te taimi ne tiaki ei ne ia Nukufetau. E ui eiloa i te tulaga tena, ko maina a te tala `lei i Nukufetau mai te galuega a Elekana.

A Paulo mo Panapa ne folafola te Muna ki tino i Konio mote loto toa kae ne tokouke ne talia ne latou te Tala `Lei. Ne fakafeagai a laua mo fakalavelave faigata e pela mo te taumafaiga ke peipei a laua ki fatu. A Elekana ne feagai foki loa mo mea faigata i tona olaga tavini tela foki ne lavea i te olaga tavini o Paulo mo Panapa.

Mea Akoga Mo Fakamaina te Mataupu

*Ata o te vaka faila e tele i te vasa

*Fakamatala ne te faiakoga a te malaga o te vaka ko te Day **Spring**.

Fakatomuaga

Tama`liki, e masaua ne koutou a te taua o te galuega talai o te Tala `Lei? A te galuega talai io me ko te galuega folafola se galuega e faigata. I nisi taimi e faigofie, kae i nisi taimi e uke a fakalavelave. I te Asotapu tenei, ka fakalogo`logo tatou ki te okoatuga o te Tala `Lei ki Nukufetau.

Akoakoga:

Te tusi faitau e fakaasi i ei a te tulaga faigata o te galuega folafola o te tala `lei. I te fakai ko Ikonio a Paulo mo Panapa ne ga`lue malosi laua o lauga atu te tala `lei i loto i te faletapuaki o tino Iutaia, kae tokouke foki a tino o fenua fakaatea ne `nofo i kona. Ne folafola atu te tala ki a Iesu. E tokouke foki a tino Iutaia ne `nofo i kona se

Pogai: Ke fakamatala ki tamaliki me ne fakaasi foki ne agelu ki tausi mamoe i te vao me ko fanau mai a te Iesu, te Fa-kaola o te lalolagi.

Tusi Faitau: Luka 2:8-20

Fakatokaga mô Faia`koga:

A tausi mamoe o Palesitaina e fakatulaga me ne tino mativa, e nofo ki te taki selau a olotou mamoe e tausi. Te mamoe se manu e lauiloa a tona aoga i fenua konei ona me maua i ei a olotou sene; e fakaaoga a olotou fulufulu mo faite a gatu moko, ako susu e fakaaoga mo inu, mo fai foki a meakai. A pakili e fakaaoga mo faite a taka mo gatu ako kano mo kai, ako sinu e fakaaoga mo fai a nisi meakai. I te sua faitu, a tausi mamoe e galue malosi o sala a koga mo fagai kae fainu a olotou manu, ona mene koga lavaki kae se ola lei a mouku me se uke a vai. Te galuega faigata a tausi mamoe ko te tausi fakalei a olotou mamoe mai i manu fekai mo tino kaisoa fakatasi i ei mo te tau moko. A te galo o se mamoe e tasi se matua mea faka-fanoanoa ki te tausi mamoe.

A te uiga o te muna `Agelu` i te gana Eleni se "faifekau". Te agelu ko te faifekau faka te agaga a te Atua. E pela mo tala i Pateleake (Kene.16:7-14;19:1-22; 22:11, 15-18) ke oko ki fekau ki nisi tino (Eso.3:2; 23:20-23; 33:2; Fama.13:3-5; 1Tupu.19:5-7; 2Tupu.19:35; Isa.37:36). A faifekau konei e seai ne foitino o latou Sala.91:11-12), e fakaaoga foki i nisi taimi ke fakaoko ne latou

laua ki a Iesu, me ka fakaola ne ia a tino katoa mai i olotou agasala. E lua a akoakoga tãua e maua ne tatou i te tala o te taeao nei:

1. Ko te filifiliga a te Atua
2. Ko te fakalogo o Iosefa

A tatou taki tokotasi, e filifiligina katoa ne te Atua i `tou olaga ke fai ne tatou ne tusaga tãua mô ia i te lalolagi nei, kae manakogina laiei ko tatou ke faka'logo ki ai

Mea fai a Tamaliki:

- Tauloto a te Fuaiupu Tauloto
- Faifesili mo tamaliki ki fesili kola e autu tonu ki te ulutala o te aso nei. Fakafesili ki tamaliki taki tokotasi me mata la nei seâ a te finagalo o te Atua mô latou?

Pese: When the Saviour calls io me fili mai te tusi pese.

Fuaiupu Tauloto: Mataio 1:20“Iosefa te mokopuna o Tavita, sa matakou o fai Malia mo fai tau av-aga, i te mea ko faitama i te Aga-ga Tapu”.

Talosaga:

Fakafetai lasi te Atua alofa mo `tou alofa tumau mo matou, kae maise ko te tuku mai ne koe o tau tama fagasele ke mate mo omotou aga- sala ke fakamagalogi-na. Fakamanuia mai mo matou ke fai matou mo tamaliki e ola talitonu ki a koe i aso katoa o motou olaga, ona ko Iesu. Amene.

ULUTALA 32: KO TE FOLAFOLĀGA KI TAUSI MAMOE

talitonu ki te folafolaga a laua. Ne vaelua a tino i Ikonio. Ne kaufakatasi a te sua vaega mo tino Iutaia, kae ko te sua vaega ne kau mo apositolo. Mai te tala ko oti ne fakalogo'logo tatou ki ei, e lavea foki ne tatou a te faigata o te galuega folafola. A Elekana ne fakafeagai mo fakalavelave e uke i luga i te fenua kae ne taumafai eiloa o folafola atu a Iesu Keliso. A te sua feitu e lavea ne tatou i te tala, ko galuega `lei o tena tavini o `fuli ne ia a talitonuga o tino ke tapuaki ki te Atua tonu. A Elekana e masani o lauga atu ki tino Nukufetau ke mata'ku latou ki te Atua.

Mea Fai a Tamaliki: Ke usu pese a tamaliki

Fuaiupu Tauloto: Loma 10:15b

Pese: Fili mai te tusi pese

Talosaga:

Te Atua te motou tamana faka-te-lagi. Ko fakafetai atu matou ki a koe mo auala o tou fakaolataga ko mafai ei o `sulu mai ki te atu Tuvalu a tou mainaga tonu. Fakafetai mo au tavini kola ne afu tauta kae ko pokotia foki a olotou olaga i fakalavelave i aso taumua. Matou e `talo ke pena o fesoasoani mai ki a matou ke mafai ne matou o folafola atu koe Iesu i omotou olaga. Amene

Ulutala 9: Peni

Pogai: Ke akoako a Tamaliki ke maina me i te Tala `Lei e fakatoka faka'lei ne ia a olaga o tino i fenua.

Tusi Faitau: Galuega 10.34-38

Fakatokaga mo Faiakoga:

A Peni mo tena avaga, ko te faifeau muamua loa ne galue i Vaitupu kae ne vau i te malaga a te Day Spring i te 1865 tela e fano loa ki Vanuatu. Ko oko eiloa i te `lei a te galuega o Peni mo tena avaga i Vaitupu. Ne folafola atu ne laua te Tala `Lei ki tino Vaitupu. Ne gata foki i kona te kumi sale o tamaliki i te namo ona ko te taumafaiga ke fakafoliki te fuainumela o tino i te fenua.

Ne fanofano `lei eiloa a te la galuega i luga i Vaitupu. Ka ko te fakalavelave ne seki leva a laua i Vaitupu ona ko masaki a Peni, tela ne `foki atu ei ki Samoa. E tasi o galuega taua a Peni i Vaitupu ne faite ne ia te Falesa o Vaitupu tela ko te falesa muamua loa i Tuvalu. Kae ko Peni ko te faifeau muamua loa o gasue o faite a te falesa i luga i Vaitupu.

Te vaega o te lauga a Petelu tenei e faipati ki tusaga taua kola ne kalagagina i ei a tino tali-tonu ke folafola ne latou te Tala `Lei o te filemu e auala ia Iesu pela foki mo te fai o galuega alofa i faka`leiga o tulaga faigata kola e pokotia i ei a te olaga.

Mea Akoga mo Fakamaina te Mataupu:

Faiakoga ke fakaaoga ne latou a te Ata o te Vakalotu..

Ata o te Faifeau i luga i te Tulaga.

Fakatomuaga:

E isi se tamaliki e iloa ne ia te tausaga ne oko atu ei a te tala `lei ki Vaitupu? I te Aso Tapu tenei, ka fakalogo`logo tatou ki te tala o te oko-atuga o te Tala `Lei ki Vaitupu. A te Tala `Lei ne oko ki Vaitupu mai tua o Nukufetau.

Akoakoga:

Te tusi faitau e fakamatala i ei a te galuega folafola a Petelu i Iopa. Ne fakamalosi ne Petelu a tino tali`tonu kola e aofia i ei a tino Iutaia mo

(Luka.1:38). Ne fakafetaui ne Elisapeta a tena kaiga ko Malia ki muna faka-amutia penei: "Amutia koe i fafine katoa" (Luka.1:42). Ne ave ne ia a tena tama ki te faletapu kae ne fakamaonia ne Ana mo Simiona a te fanau mai o te Mesia kae ne `tao atu mo tena muna ki a Malia penei: "A tou fanoanoa ka fakatusa ki se pelu mata kai, ka suki ne ia a tou loto" (Luka.2:35).

Lesona:

Te fanau mai o Iesu e kese mai i te fanau o tino katoa. Malia ko filigina me ka fanau mai ne ia Iesu, te Fakaola. Kae ko ia ka faitama ite agaga tapu. E fa-kafoofogina te tulaga tenei, kae ne fai-gata foki kia Iosefa ona me ese mala-malama ite fakasiga tenei ne oko kia Malia. On ko tu mo faifaiga, tela ne faigata iei o talia ne Iosefa, kae ne mafaufau ke mavae laua mo Malia. I taimi tonu eiloa tenei, ne oko mai iei te fakasiga ate Aliko kia Iosefa ke avaga ne ia a Malia, me ko faitama ite agaga tapu, kae ka fanau ne ia te tama tagata, kae ka fakaigoa kia Iesu, me ka fakaola ne ia a tino katoa. Malia ne matakū, kae ne fakamalosi-gina ne te agelu, kese matakū, me ko oti ne fili-filigina aia mai i loto ite tokou-kega o fafine.

Fakatomuaga:

Tamaliki, koutou e isi katoa ne outou tamana. Ia kae nei, koutou ka fakalogologo ki te tala o te tamana o Iesu tela ko Iosefa.

Akoakoga:

A Iosefa ne kalagagina ne te Atua ke fai a ia mo avaga a Malia, me ia Malia ka fanau mai ne ia se tamaliki tagata, kae ke fakaigoa ne

Te Atua te motou Tamana alofa, fakafetai kooti ne fakalogologo matou i tala ote fanaumaiga mo te tupuakega o Iesu, te motou Fakaola. Akoako mai matou, ke kilo atu matou kia koe Iesu te fakaola o matou, kae ke ola matou o fai te mea tela e loto koe ki ei, Amene.

ULUTALA 31: KO TE FOLAFOLĀGA KI A IOSEFA

Pogai: Ke akaoako a tamaliki ke iloa ne latou me ia Iosefa ne kalagagina ne te Atua ke fai mo tamana o Iesu.

Tusi Faitau: Mataio 1:18–25

Fakatokāga mō Faia’koga:

A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakū ki te Atua (Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). E isi se fakasalaga e mafai o oko ki se tamafine tela e fai feagaiga ke malie tela feagaiga mo Malia me ko faitama, kae e se iloa ne ia me ne faitama iai. Fakamuli ifo ne maina lei a ia e uiga mo te mea ko tupu i te fakaasiga tela ne fakaoko atu ki a ia i te moemiti, tela ne avaga ei a laua. A Mataio (1:18-25) mo Luka (1:26-56; 2:1-38) e kesekese a tala a laua e uiga ki te fanau mai o Iesu kae ko laua foki loa konei ne avake ne laua te tulaga “tamafine” o Malia. A Malia ne talia ne ia te fekau a te Atua i tona talitonu i a ia se tavini a te Alik

tino o fenua fakaatea i kona ke se fakavasega tino.

A Peni tela ko ia ko te faifeau muamua ne galue i Vaitupu ne fepaki mo masaki tela ko se mafai ei o galue ke tai leva atu i te fenua. Tama’liki, e tenei a te sua fakalavelave e masani o pokotia ei tatou. I nisi taimi a te Kelisiano ko fakafesili ne ia te tulaga o te Atua manafai ko pokotia tena olaga i ma’saki mo famai. Mai tulaga fakalavelave konei ne fakafeagai mo Peni, ne seki saga ki tena masaki. Ne galue loa a ia ke oko ki te taimi ne oko mai ei a te fakailoaga mai tena Pule ke tiaki te fenua kae ke foki ki Samoa ona ko te tulaga o tena masaki. Ke pena tatou tama’liki ke fakaakaoko tatou kia Peni ke loto ma’losi kae fakatuanaki ki te Atua i taimi katoa.

Mea Fai a Tama’liki:

Faka Koneseti te tala i te okoatuga o Peni ki Vaitupu

Usu Pese

Fuaiupu Tauloto: Ioane 10:10b

Pese: Fili mai te tusi pese

Talosaga:

Fakafetai te Atua me ko ola manuia matou ki te aso tenei. Fakafetai me ko maina matou i tau muna e auala i au tavini kola ne folafola mai a tau muna. Matou e `talo atu ke fakamanuia mai matou i te motou olaga faka-tamaliki ke ola matou mo koe Keliso. Amene.

Ulutala 10: Kirisome

Pogai: Ke fesoasoani ki tama’liki ke mafai ne latou o folafola a te tala `lei kae takotonu a te

meatonu i olotou olaga tupuake.

Tusi Faitau: Galuega 18.1-8

Fakatokaga mo Faiakoga:

A te Faifeau muamua ne galue i Nui ko te faifeau Samoa ko Kirisome. Ne oko atu a Kirisome ki Nui i te po 4 o Novema 1865. A te 'Day Spring' i tona auala ki Vanuatu ne fakasopo mai i ei Peni mo tena kaiga o olo ki Vaitupu a ko Kirisome mo tena kaiga ki Nui.

I te malaga muamua a te Faifeau Peletania ko A.W Murray i te 1864 ne afe atu a Murray ki Nui. Ne maua atu ne Murray i Nui a tusi faitau mo tusi akoga i te 'gana faka- Kiribati, ne lafo mai ki Nui ne te faifeau Amelika ko Hiram Bingham tela ne galue i Kiribati. A tusi konei ko itu-lau o te Tusi Tapu faka Kiribati.

Ko galuega taua o Kirisome e aofia i ei te 'teke ne ia a te Palagi ko Robert Waters tela ne avaga ki fafine e tokotolu i luga i te fenua. A Robert ne fakagalue a tena pisinisi kae fakaloilo i ne ia a tino ki se togi e se 'lei ke 'kati popo ki tena pisinisi. Ne fesosoani a Kirisome o atiake a te kaulotu kae fakatoka foki a te tusaga o te Ekalesia o Nui i tausaga takitasi ki te Fono Lasi a te LMS i Samoa.

A Paulo ne tuku katoatoa a tena malosia o folafola a te muna te Atua. Ne taku tonu atu ne ia mo te se matakua ki tino Iutaia ia Iesu ko te Keliso. E pena foki a te olaga tavini o Kirisome, ne folafola ne ia a te munatonu a te Atua ki tino Nui. Kae ne 'teke ne ia a te palagi tela nofo faka-pouliuli mo ana avaga e tokotolu, kae e fai ne ia a uiga mo amioga ma'sei ki tino o te fenua.

Mea Akoga mo Fakamaina te Mataupu: Ata

fakaasiga io me ne fakailoaga ne oko mai ki ona matua.

Akoakoga:

Tamaliki, a te fanau mai o Iesu, e 'pau eiloa mo te fanaumaiga o tatou katoa mai 'tou matua, kae e 'kese fua me ona koi tuai a ia o fanau mai, kae ko oti ne fakailoa ne te avefekau a te Atua ki a Malia me ka fanau mai ne ia a te Fakaola. Ne filifiliginia a Malia ne te Atua kae ne fakaoko mai a tena fekau e auala i te agelu. Te mea taua ke iloa ne tatou i konei, me i te Atua e pule ia tatou, e iloa foki ne ia a mea kola e fai ne tatou. Ona la ko Malia, se fafine e 'gali ona uiga, kae fai foki ne ia a te loto o te Atua, tela ne filifiliginia ei a ia ne te Atua ke fai

mo matua o Iesu, te Fakaola o te lalolagi. Kae ne tupu ake foki a Iesu, ne tausii faka'lei ne ia, ne putiputi ake ne ia ke oko eiloa ki tena matua. A tatou foki e mafai o filifiliginia ne te Atua ke fai ne tatou ne tusaga lasi kae taua mô ia manafai e ola tatou o fai tena finagalo i 'tou olaga.

Mea fai a Tamaliki:

· 'Kala fakagaligali a te ata #51

Pese:

Ne nonofo i te vao leoleo mamoe io me fili mai te tusi pese.

Fuaiupu Tauloto:

Luka 1:31 "Kiloke, a koe ka faitama, ka fanau ne koe se tama tagata, kae ka fakai-goia ne koe a ia, ko Iesu."

Talosaga:

Nasaleta,i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fakatonugina aia ne te Aliko i tena miti, ke fai ne ia a Malia mo fai tena avaga. Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Lesona:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapilielu kia Malia ite fakai o Nasaleta,i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fakatonugina aia ne te Aliko i tena miti, ke fai ne ia a Malia mo fai tena avaga. Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Mea a'koga mo fakamāina ei a te mataupu:

· Ata #51

Vitio kaseti (mafai e isi e toka)

Fakatomuaga:

Mata e isi se tino ne vau ki te lalolagi nei i se auala fakaatea me ko tatou ne fanau katoa mai ne 'tou matua? Te mea e 'kese iei a Iesu, me koi tuai a ia o fanau mai kae e isi ne

Fakatomuaga

Ko oi te fenua i Tuvalu e fakaaoga a te 'gana Kilipati? Tamaliki a te tala a tatou i te Aso Tapu tenei ko te tala i te okoatuga o te Tala 'Lei ki te fenua ko Nui. Kilisome ko ia te faifeau muamua kae ne oko ki Nui i te po 4 o Novema 1865.

Akoakoga

Te tusi faitau e fakamatala ei a te galuega folafola a Paulo i Kolinito. Ne 'teke ne Kirisome a uiga masei katoa o Robert Waters. Ke pena foki tatou tama'liki, ke fai ne tatou a te meatonu. ke moa e 'funa ne tatou a te meatonu kae ke fakaasi i tou olaga, ko te mea ke maua ei ne tatou a fakamanuiaga a te Atua.

Fuaiupu Tauloto: Ioane 15:5

Pese: Fili mai te tusi pese

Talosaga

Te Atua alofa, ko fakafetai atu matou motou alofa ki a matou au fanau. Fakafetai mo tau Tala 'Lei ko mafai ei o iloa ne matou a te meatonu e 'tau o fai ne matou, e auala i te faka-akoako ki olaga o au tavini. Ko talo atu matou ke tuku mai te malosi ke mafai ne matou o 'teke atu a fakaosoosoga a te fili. I te igoa o Iesu e 'talo atu ei matou. Amene.

Ulutala 11: Tapu mo Sione

Pogai: Ke akoako ki tama'liki ke ola ia latou a te loto mo te agaga talitonu kae ke mafai foki o folafola atu a Iesu Keliso i olotou kaiga.

Tusi Faitau: Galuega 17.10-15

Fakatokaga mo Faiakoga:

A te folafolaga o te tala 'lei i te fenua ko Niutao ne kamata ne faifeau Samoa ko Tapu mo Sione, i te tausaga e 1866. I te oko atu a te malaga a Whitmee ne tuku ake ne ia a faifeau ko Tapu mo Sione ke ga'lua i Niutao. A te galuega o Tapu mo Sione i Niutao se galuega e 'mafa kae faigata ona me i te tokoukega o te fenua koi talitonu kae tapuaki tupua faite mo olotou vailakau.

Ne ga'lua malosi a Tapu mo Sione o folafola te Tala 'Lei tela ne 'fuli i ei a olaga o tino mai tapuakiga fapaupau ki te tapuaki ki te Atua tonu. E tokouke foki loa a tino koi talitonu ki atua o te pouliga, kae e 'teke ne latou a te talaiga a Tapu mo Sione e uiga mo te Atua tonu. Ne fanofano 'lei a te galuega talai i tausaga mai tua tela e tokouke a tino ko papatiso i te igoa o te Atua tolutasi tapu.

A te tusi faitau e fakamatala mai ei a te galuega folafola o Paulo mo Sila i Pelea. E lavea a te faigata i te kamataga o te galuega talai. E ui e iloa i te faigata o te galuega kae ne kausaki e iloa ana tavini o folafola a te Atua tonu ki tino Pelea. Pena foki a te tulaga o te galuega o Tapu mo Sione. E faigata a te kamataga o te galuega, kae i te fakaotiga ne manumalo latou.

Mea Akoga mo Fakamaina te Mataupu: Ata mo fakamaina te mataupu.

Fakatomuaga:

E isi te tamaliki e iloa ne ia me ko oi te faifeau muamua ne galue i Niutao!. A te tala a tatou i te Asotapu tenei ko te tala i te okoga o te Tala 'Lei ki Niutao.

Akoakoga:

Fanau e pela loa mo te pogai o te tala a tatou I te Asotapu nei ke fakamalosi a tou fanau ke

mate ke mafai o fakaola koe mo au mo tino ka-toa. E manakogina e tamaliki ko Iesu Keliso ke ola iloto I taa olaga e auala I te talitonu io me talia ne taua a ia ki taa olaga ko te mea ke mafai ne taua o fai te finagalo o te Atua.

Mea fai a tamaliki:

Lomi te ata o Iesu I tena toetu mai te mate

Fuaiupu Tauloto: Maleko 16: 6 "Ne fai mai a te tino tena kia latou, ana muna, sa 'mataku. A koutou e 'sala kia Iesu te Nasaleta tela ne faka-sataulo. E se I konei, ko oti ne toetu..."

Pese: OH! HOW I LOVE JESUS...io me fili mai te tusi pese.

Talosaga: Fakafetai te Atua mo te manumalo e auala I te toetu ake koe mai te mate te la ko mafai ne matou o manumalo I omotou olaga sa-saele mo koe, amene.

VAEGA 4 – KO TENA FANAU MAI

ULUTALA 30: KO TE FOLAFOLĀGA KI A MALIA

Pogai: Ke akoako a tamaliki ke iloa ne latou a te fanaumaiga o Iesu fakatasi foki mo tena tupuakega.

Tusi Faitau: Luka 1:26–38

Fakatokāga mō Faia'koga:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapili-elu kia Malia ite fakai o

Mea fai a Tamaliki

Usu pese

ULUALA 29: KOTE TOETU MANUMALO O IESU KELISO MAI TE MATE

Pogai: Ke fakaasi io me fakamautinoa ki tamaliki me ia Iesu ne toetu mai ake loa mai te mate

Tusi Faitau: Maleko 16: 1—8

Fakatokaga mo Faiakoga:

Te toetu manumalo o Iesu ko te toe fakamoemoega ola loa o te Kelisiano me ona a Iesu ne toetu, telala tatou e toetu fakatasi mo ia manafai e talitonu `patonu tatou ki tena mate mo tena toetu manumalo (1 Kolinito 15:1—7). Tenei te `kesega a te talitonuga Kelisiano mo niisi talitonuga, aua me I niisi talitonuga, a tino kola e talitonu latou kiai ne seki toetu ake mai te mate, ka ko te tala ne lavea ne tatou mai te tusi faitau me ia Iesu e galo I loto I te tanuga e fakaasi mai iei, me ia ia ne toetu mai loa mai te tugamau.

Mea akoga mo fakamaina ei a te mataupu

Te ata o te toetu o Iesu

Fakatomuaga:

E mata e isi se tamaliki kai logo me isi se tino ne toetu ake mai te mate? Ia fakalogo mai ki te tala o te tino tela ne toetu ake mai te mate

Akoakoga:

Tamaliki ko te mea ke talitonu `patonu tatou me ia Iesu Keliso ne toetu ake eiloa mai te

folafola ne latou te muna iloto I olotou kaiga. Tela la fanau ko taua ke fiafia o folafola te muna iloto I te taa kaiga aua me tenei fua te auala e mafai ai o maua ne te kaiga te olaga filemu e pela foki mo te olaga tokaga malie.

Mea Fai a Tamaliki: Usu Pese

Fuaiupu Tauloto: Salamo 127:1

Pese: Fili mai te tusi pese

Talosaga

Fakafetai te Atua mo te olaga o tavini faifeau mua kola ne fakafeagai mo te faigata o te galuega talai kae ne manumalo eiloa latou mai mea faigata kola ne mafua mai te malosi faka-te-tiapolo. Talo atu matou ke fesoasoani mai koe o fakamalasia ne matou i te omotou olaga tupuake ke mafai ne matou o talitonu mo te fakamaoni ki a koe. Amene.

Ulutala 12: Temumuni mo Tuiloua

Pogai: Ke fesoasoani ki tama'liki ke fia'fia o takutaku atu Iesu Keliso ki nisi tino pela mo avefekau a te Atua.

Tusi Faitau: Galuega 17.16-21

Fakatokaga mo Faiakoga:

A te tala `lei ne muamua o oko atu ki Nanumea mai tua o Niutao. Ko te tagata Nanumea e igoa kia Temumuni ne ave ne ia te tala `lei ki Nanumea i te tausaga e 1866. Ne iloa ne Temumuni a te talitonuga Kelisiano mai Nui. A Temumuni tela ne nofo muamua i Nui i te taimi ne oko atu ei a te Faifeau ko Kirisome, ne malamalama a Temumuni i te Atua tonu mai akoakoga mo tapuakiga

e masani o kaufakatasi ki ei i Nui. Kae i tena fokiatuga ki Nanumea ne akoako ne ia a tino Nanumea i te talitonuga Kelisiano.

I te malaga a Whitmee tenei ne puke mai foki se tino Nanumea mai Funafuti ko Fagota tela ne sui tona igoa ne Whitmee ki a Tavita. Ne tuku ake ne ia a Tavita i Nanumea ke kamata ne ia te galuega. I te okoatuga a Tavita ki Nanumea, ne fakauluulu ki ei a te galuega i kona ke oko ki te okoatuga o te faifeau muamua mai Samoa. I te tausaga e 1872, ne oko mai ei te faifeau Samoa muamua ko Tuiloaua o tausii te galuega i Nanumea. E tenei a te taimi fatoa katoatoa a te galuega folafola i te tavini ne iku mai i te akoga fakafaifeau i Malua.

Te tusi faitau e fakamatala mai ei a te loto toa o Paulo o folafola a te Keliso tela se akoakoga fou i te fakalogo o tino o Atenai. Ne ave a Paulo ne te kau Epikulo mo te kau Setoiko ki te fono o Aleopako. Ne fakaasi ne Paulo i kona me i a ia e folafola te Atua tela e seiloa ne tino Atenai a tona igoa. Tenei a te tulaga o te olaga tavini o faifeau mo tiakono taumua kola ne loto ma'losi o folafola a te muna a te Atua mo te loto katoatoa.

Faiakoga o te kau Epikulo mo Setoiko (Epicurian abd Stoic philosophers) e fakauiga ki faiakoga mai akoga i mea tau te poto kola e fakavae ki te fiafia mo mea tau te natula. A Aleopako se mauga foliki i tafa o te fakai e fai ei a fakamasinoga.

Mea Akoga mo fakamaina te mataupu:

Ata o tavini e folafola ne latou te muna ate Atua

Fakatomuaga:

Ko oi te igoa o te faifeau a tatou! Te tala a tatou

A uiga fakamotu loto, ko muna masei, muna loi mo amioga se tonu katoa ne fai kia Iesu I taimi o te fakamasinoga, te fakasalaga ke oko ki tona mate ko toe logo maega tafasili I te masei. Ka tuku tasi a mea katoa kona, fakatasi mo te mataga o tena mate I te sataulo ko tuku a mea konaa ko te "sataulo" ne amo ne Iesu. A te sataulo se lakau faka lava tela e fakasala I ei a tino tafasili I te masei a olotou uiga mo faiga,. Te sataulo e atagina I ei te mate fakalumaluma I tuu mo aganu faka Iutaia. Ne mafa malosii kia Iesu te sataulo o ia ona ko te vaivai o tona foitino I pago mo kini kola ne ave ne sotia Loma kia ia.

Fakatomuaga:

Kooi te tamaliki kooti ne lagona ne ia te tala I te fakasatauloga o Iesu? A te tala ka fakalogologo tatou kiei I te aso nei ko te tala o Iesu I te fakasatauloga ne sotia Loma. Mai tua o tena fakamasinoga ne te Kovana ko Pilato, ne iku ei ke fakasataulo.

Akoakoga:

E maina I te tala me ia Iesu ne fakasataulogina I tuapa o Kolokota. A puapuaga ne fakafeagai mo Iesu, fai mai mene talia katoatoa ne ia a ona puapuaga. I te taimi ne fakasataulo ei a Iesu ne seki fakafiti kae ne kufaki eiloa. Kafai e mafaufau tatou ki te mea ne fai ne Iesu, ailoga e isi se tino I te lalolagi tenei e mafai ne ia o fai pela mo Iesu. E seai se tino e mafai ne ia o kufaki a mea 'see o nisi tino. E seai foki se tino e fiafia o mate mo te sua tino. Telala, e 'tau mo tatou tamaliki o kufaki kae loto fakamagalo ki nisi tino kote mea ke fiafia mai te Atua kia tatou.

Akoakoga:

Ke fakaaloalo a tu tatou ki sose tino e taaua kii I tou olaga. E pena te malaga o Iesu e fakaataata ei tona loto mamlalo o ia tela ne fakaaoga ei ne ia te manu tenei ko te asini kae se ko te solofanua. Telala, tamaliki se tula ke ola te manatu tenei te lotomalalo mo te fakaaloalo I tou olaga sau katoa kae maise la ko tou fakaaloalo ki te Atua tela ko ia te tupu o tatou tino katoa.

Ke masaua foki ia taua tamaliki me ia Iesu ko tou fakaola tela ne mate mo fakamagalo tou agasala.

Fuaiupu Tauloto:

Faitau 8 –9e “tokouke tino ne fola olotou gatu I te auala, ka ko nisi tino ne fati ne latou a kaula o lakau kae fakamoe I te auala”

Pese: Let the Lord have His ways io me fili mai te tusi pese

Talosaga:

Te Atua, aumai kia matou se loto aava mo te fakaaloalo ke ola ia matou.

ULUTALA 28: KO TE FAKA SATAULOGA O IESU

Pogai: Ke fesoasoani ki tamaliki ke lavea ne latou a te faigata mo te `mafa o te amoga ne amo ne Iesu kae maise a tona sataulo I tena auala ki Kalevalia

Tusi Faitau: Ioane 19: 16—27

Fakatokaga mo Faiakoga:

i te Asotapu tenei ko te tala i te faifeau, mo te tiakono muamua ne oko ki Nanumea.

Akoakoga

Tamaliki e lavea ne tatou mai te tala ia Temumune ko ia muamua ne ave ne ia te tala`lei ki Nanumea. E tena foki te mea e `tau o fai ne taua fanau ko taua ke ola I te olaga folafola ne taua a te muna a te Atua aua me tena te loto o te Atua ke oko katoa te tala`lei ki tino katoa.

Fuaiupu Tauloto: 2 Petelu 3:9

Pese: Fili mai te tusi pese

Talosoaga:

Te Atua te motou tamana faka-te-lagi, fakafetai mo olaga o au tavini tiakono kola se ne faifeau kae ne kamata muamua ne latou a te talaiga o te tala `lei. Ne fakasoko fakamuli ne au tavini faifeau kae ne manuia me ne kaufakatasi koe ki a latou. Talo atu matou te motou tamana ke fesoasoani mai kia matou i te motou olaga tupuake. Amene.

Ulutala 13: Timoteo

Pogai: Ke fakamalosi ki tama`liki ke fakaaoga tonu olotou ola o folafola a te muna a te Atua.

Tusi Faitau: Galuega 19.1-10

Fakatokaga mo Faiakoga:

Nanumaga ko te fenua ne oko fakamuli ki ei te talaiga o te tala `lei i te 1875. Timoteo mo tena avaga ko Litia ko faifeau muamua ne oko ki Nanumaga. I te okoatuga a Timoteo mo tena avaga ne seki toka a tino o te fenua o talia te Tala `Lei. Tena ne `nofo a laua i Nanumaga mo

masina e fa, koi tuai o 'foki laua ki Samoa. Ne seki manuia a te galuega a Timoteo i Nanumaga.

Ne oko atu Ioane ki Nanumaga i te masina ko Setema 1875. A Ioane se faifeau Samoa, mai te fakai ko Sa'anapu i Upolu. I tena Asotapu muamua i luga i te fenua, ne takitaki ne ia te lotu kae ne lauga atu te muna a te Atua ki tino e tinolua mo te toko-lima. Ne fakamolemole a Ioane ki tino o te fenua ke tiaki a te olotou talitonuga ki atua o te pouliga. Ne talia ne tino o te fenua, tela ko mafai ei ne Ioane o galue ki te fakaseaiga o koga tapuaki mo nisi mea faka-te-pouliga. Ne ofa ki lalo ne Ioane a fale o atua mo koga tapuaki ki atua fapaupau. Mai nisi fesokotakiga a Ioane mo aliki o te fenua ne talia ei ne aliki o te fenua ke fakataunu a te talaiga o te tala 'lei. Ne 'motu ne Ioane a pakasoa e lima o aliki e tokolima kola ne tino pulepule kae ne tino fakatau-laitu. Ne tua ki lalo ne ia a te lakau e tapuaki ki ei a tino o te fenua.

Te tusi faitau e fakamatala a te tala o Paulo i te fakai ko Efeso. Ne talai atu ne ia a te tala 'lei ki tino Efeso. Ne fakakinau mo nisi tino ke 'fuli mai ki te Malo o te Atua. Pena foki a te olaga o te faifeau ko Timoteo ne fepaki mo tino o te fenua. E ui eiloa ne seki manuia a Timoteo, kae ne lavea a te fuataga 'lei i te galuega a Ioane i luga i Nanumaga. Ke pena a tatou tama'liki, ke fakaakoako tatou ki te olaga o tavini a te Atua

Mea mo Fakamaina te Mataupu: Ata

Fakatomuaga

Ko oi te faifeau muamua o Nanumaga?. A te tala a tatou i te Asotapu tenei ko te tala i te okoga o te tala 'lei ki Nanumaga.

VAEGA 3: KO TE ULU MANUMALO, MATE MO TE TOETU MAI O IESU

ULUTALA 27: KO ULU MANUMALO IESU KI LOTO I IELUSALEMA

Pogai: Ke atiake a te iloa o tamaliki me ia Iesu ko te fakaola o tatou

Tusi Faitau: Mataio 21: 1—11

Fakatokaga mo Faiakoga:

Te Ulumanumalo o Iesu ki loto I Ielusalema se ata tafasili I te gali tela e lavea iei a ia se tupu mo te Fakaola o te lalolagi. A Petefake (te fale mati) se fa'kai foliki tela e tuu pili ki te mauga o Olive te koga tela e lavea lei mai I konaa a Ielusalema. A te asini mo te tama asini ne au-mai Ktoa kia Iesu mo sopo a ia iei (f.7) me "e manako ki ei te Aliko". Te mea tenei ne fai ne Iesu e fakataunu I ei a muna a te pelofeta ko Sakalia (9:9) me ko fakaasi ne Iesu me I te ia se tino o te filemu kae ese fakavae a tena malo ki malosi mo te fia maluga. E seai loa se fakaasiga o Iesu me I te ia se tupu, kae I te taimi ne sopo ei a ia iluga I te asini, a ona soko ne fola a gatu o latou I te auala kae ka'laga mo te leo lasi mo laupaama I olotou lima, "ke manuia a te tupu tela e vau I te igoa o Tavita!" Ne uate a tino I Ielusalema ona ko te faifaiga tenei.

Fakatomuaga:

Kai sopo aka koe I tua o te asini? Io me kai lavea ne koe se asini? Te aso tapu tenei, ko te tala I te ulu manumalo o Iesu ki loto I Ielusalema.

lasi i tua. A Iesu ne faimalaga i te namo o Kalilaia mo ona soko kae ne lavea ne ona soko a te tulaga fakamataku o te faimalaga i luga o te tai. Ne fakafeagai foki mo te Apositolo ko Paulo a faiga'taga kona i te tusi faitau a tatou i te taeao nei. Ao, ne tulaga eiloa e faigata, pela foki mo te 'galo atu mai tafa o matua, fanau mo kaiga. Kae masaua e tama'liki, me i so se galuega e ga'lue ei tatou, se galuega kalagagina o tatou tena mai i te Atua. A kauvaka foki ne kalagagina ne te Atua ke ga'lue a latou i te 'tai. E tausi foki a latou ne te Atua me i te Atua e nofo i koga katoa. Tama'liki, a tatou foki ne kauvaka i 'tou olaga, a tatou ko kauvaka ne kalagagina ke kauvaka i luga i te vaka o te Tala 'Lei a Iesu Keliso, tela la, e taua 'ki eiloa ko tatou ke fai a 'tou tiute faka-kauvaka mō te galuega a te Aliko.

Mea fai a Tama'liki:

Nea a galuega a kauvaka e fai i luga i vaka?
Nea a galuega a tatou e fai i luga i te vaka o te Tala 'Lei a Iesu Keliso?

Fuaiupu Tauloto: Mataio 28:19-20

Pese: Fili mai te tusi pese

Talosaga: Te Atua te motou Tamana, fakafetai mo tou alofa tumau mō matou kae maise mo kauvaka salalau o te motou Atufenua. Tausi kae fakamanuia atu ki a latou penei foki mo katou nei. Akoako mai matou ke fai a motou tiute kauvaka mō Iesu i aso katoa e ola ei matou, ona ko Iesu. Amene.

Akoakoga.

Tamaliki, e lavea ne tatou a te fakaaoga tonu o olaga o tavini a te Atua ki te fakalauefaga o te tala 'lei e uiga mo Iesu Keliso, tela la se fakamalosiga kia taua e tamaliki ko te mea ke fakaaoga tonu a tou ola mo fai a tena fekau mo tena galuega.

Fuaiupu Tauloto: Loma 6:13

Pese: Fili mai te tusi pese

Talosaga

Te Tamana faka-te-lagi, fakafetai mo tou alofa mo tou kaufakatasi ki au tavini kola ne fepaki mo fakalavelave i te talaiga o tau muna, kae ne tumau o ola fakalagolago atu ki a koe. Fakafetai mo fuataga 'lei o galuega o au tavini ne fakasoko ne latou a tau galuega, pela mo Ioane ne loto malosi a ia o ofa ki lalo a faletapuaki fa-paupau. Talo atu matou ke fesoasoani mai koe kia matou ke mafai ne matou o manumalo pela mo Ioane. Amene.

Ulutala 14: Rev. Lusia Malesa

Pogai: Ke fesoasoani ki tama'liki ke maina a latou me i te galuega ki te folafola atu o Iesu e masani fetau mo faigata mo fakasauaga foki.

Tusi Faitau: Galuega 18: 9-17

Fakatokaga mo Faiakoaga

A Lusia Tukia tela ne 'fuli a tona sainaga ki a Lusia Malesa i te otiga ana akoga se tino Nanumea tela ne fanau loa i kona. Ne akoga i te Akoga Lasaga muamua i Nanumea kae ne faka'soko ana akoga i Elise Fou ka koi pule ei a Donald Gilbert

Kennedy. Mai i kona, fano ei o akoga i Samoa i tausaga e tolu. Ne maua a tena avanoa ki Malua Theological College tela ne akoga a ia i kona i tausaga e fa. Ne tofi a ia ne te Fono Lasi i Samoa ke galue faka-faiakoga i Rongorongo Training School i Beru tela e akoga i ei a faifeau mo faiakoga mai i lalo o te Pule Faiakoga ko George Eastman. Ne galue a ia i kona i te aofaki e lua-sefulu tausaga.

I te 1938 ne tofi a ia o galue i Banaba Ocean Island i tino Kiribati mo tino Tuvalu. i kona, ne feagai a ia mo fakalavelave mai i te Kau-Tiapani kola ko `nofo i kona i taimi o taua. Ne taofi ne tiapani ke se toe fai a tapuakiga kae ne fakakinau a Lusua mo Tiapani tela ne kave ei a ia ke kati a tona ua. Ne `sai ona mata mo tena ulu ki te laugatu uli kae ave ne Tiapani. Ne fai talosaga te kaulotu i Banaba i ao mo po, kae ne `poi a latou me ko fakafoki mai ne Tiapani ka ko pei mai ki gatu `lei kae ko se tamate foki. A Lusua ne asiasi muli atu loa ki fale katoa i po takitasi.

A Lusua ne fai foki ana taumafaiga o faka`lei te fakalavelave tela e tupu i tona atufenua tonu; tela ko te `gana Tuvalu ko gasolo loa o `galo a muna mo faifaiga faka-fenua ona ko te fakaaoga o te `gana Samoa mo ana tu mo aganu i loto mo faiga mea `lasi i te lotu mo fenua. Ne fakamatala ne ia a ona lagona kona ki te Failautusi Ao'ao o te LMS tela ne fanatu ki Banaba. Tela i te 1941 ne lomi ne Lusua te *Lama* kae fakaasi ne ia me ko tau o `fuli a te Tusi Tapu ki te `gana Tuvalu me tenei fua te aofaga e mafai ei o fakamalosi te `gana Tuvalu. Ne tusi foki a ia ki faifeau Tuvalu katoa ke avake ne latou i te Fono Lasi a te Ekalesia ke kamata o fakafoki a faifeau Samoa. Ne galue malosi foki a Lusua o fakamalosi te tautino tela e taki luaafe pauni mo fakatu te Akoga a te Lotu ko Motufoua tela ne fakaigoa ne ia a tena tamaliki fafine tela ne fa-

Akoga se fesoasoani mai i se Faifeau, e masani e iloa o fakailoa mai ne latou ki te Ulu Ofisa. A kauvaka katoa foki o te Atufenua, e isi se lotou avanoaga mo manakoga o latou i te faitu faka-te-agaga mai loto i te Ulu Ofisa. A aso fakamanatu o kauvaka i tausaga takitasi e amanaiaquina e iloa ne te Ulu Ofisa. A kauvaka foki kola ne fakasala mai luga i vaka i tua, e masani e iloa o fakaoko mai ki te Faifeau o kauvaka ke fai se fesoasoani io me se fakamalosiaga mo tulaga kola ne pokotia ei a lotou galuega. A kauvaka ko tino fakamoemogina o so se vaka faimalaga i te vasa. Muna a Paulo, *"Kafai e se `nofo a kauvaka konei i luga i te vaka, e se mafai o ola koutou."* (ff-31) A tatou foki ko kauvaka o te Tala `Lei a Iesu Keliso, kafai e se fai a `tou tiute, ka se mafai foki o teletele `lei a te vaka o te Tala `Lei a te Aliko e pela mo tena manakoga.

Mea akoga mo fakamaina ei a te mataupu:

Ata napa 68, [tulaga fakamataku o kauvaka galue i luga o te tai]

Ata napa 99, [vaka i aso taumua kola ne faimalaga saale i ei a Paulo]

Fakatomuaga: E isi ne kauvaka i outou kaiga? E isi ne tala a latou e uiga mo kaumatagi lasi ne fakafeagai mo latou i te tai?

Akoakoga:

A te galuega faka-kauvaka, e se se galuega faigofie, kae se galuega e faigata aua me i te tino e galue faka-kauvaka ko ola e iloa i te lalolagi o ika tela e uke ana fakamatakuga mo ana faigataga. I Tuvalu nei, e tokouke a tamataene e galue faka-kauvaka i loto i te Atufenua, kae maise e iloa i vaka o kamupane

ki te ola e se gata mai.

Mea fai a Tama'liki:

- Nea a sala e iloa ne latou e `pei ei a tino ki te falepuipui?
- Nea a agasala e fai saale e iloa ne tatou i `tou olaga?

Nea a tulaga kola e mafai ei o fakapaupau ne tatou a te pagota mo te tino agasala?

Fuaiupu Tauloto: Mataio 25: 36b

Pese: Fili mai te tusi pese

Talosaga: Te motou Tamana, fakafetai mo tau tama tela ne vau o fakasaoloto matou mai i te falepuipui o te Agasala, fesoasoani mai ki a matou ke iloa ne matou o a'lofa ki a latou kola i loto i falepuipui o fakasalaga, kae maise ko latou i loto i te falepuipui o te Agasala, ko te mea ke iloa ne latou me ko koe e iloa a te Fakaola e takotasi. Amene.

Ulutala 26: Galuega ki Kauvaka mo Amatuku.

Pogai: Ke akoako a tama'liki ke iloa ne latou me i te kauvaka se tiute kalagagina foki ne te Atua.

Tusi Faitau: Galuega 27:21-32 .

Fakatokaga mo Faiakoga:

A te Akoga faka-kauvaka i Amatuku e tausi atu mai loto i te Ulu Ofisa mai lalo o te Matagaluega mō kauvaka. E fai e iloa a tapuakiga i Amatuku i Asotapu pela foki mo Fakamanatuga. I tulaga e manakogina ei ne te

nau i taimi tena ki a Luaafe. Ne toe tofi a ia o galue i Aleipata, Samoa i te 1943 kae ne mate a ia i kona i te 1950.

A Paulo ne galue mo te loto malosi kae ne puke fakapagota foki ne ona fili kae fakamuli ne faka-sao a ia ne te pule ko Kaliona. A Lusua Malesa ne tiakina ne ia a tona fenua, kaiga, fale mo ana matua kae fano i te fakatonuga a te Atua o galue fakamisionale i Kiribati, Banaba mo Samoa. Ne fakafeagai a ia mo faigata i Banaba i pulepulega a Tiapani te la ne fai loa o tamate, kae ne fakasao a tona ola ne te Atua mo galue e tau o fai ne ia.

Mea Akoga mo fakamaina te mataupu:

Ata

Mape o Samoa, Kiribati, Banaba Ocean Island mo Tuvalu

Fakatomuaga:

Fesili ki tama'liki me ko oi ko oti ne nofo i Kiribati, Banaba Ocean Island mo Samoa? Toe fesili ki tama'liki me isi se tamaliki e kaiga mo Lusua Malesa?

Akoakoga:

Tamaliki, e lavea ne tatou mai te tala me I te ukega o taimi e fepaki taua mo fakalavelave manafai e folafola ne taua a te muna a te Atua.

Mea fai a tama'liki

Faka-koniseti te pukega ne Tiapani a te Faifeau ko Lusua o ave o kati a tona ua.

`Kami mai se tino i te kaiga o Lusua ke fakamatala mai a tala e uiga mo tena galuega

Fuaiupu Tauloto: Filipi 4: 13

Pese: Fili mai te tusi pese

Talosaga:

Fakafetai te Atua mo te loto faikimua o tau tavini ko Lusua Malesa i te folafolaga o Iesu. Fakamalosi mai ki a matou, ko matou ke tavini mo te fakamaoni o folafola a Iesu ki kautupu o omotou fenua, amene.

Ulutala 15: Rev. Iosia Taomia

Pogai: Ke fakamaina ki tama'liki a te tusaga ne fai ne te faifeau ko Iosia Taomia i te folafola atu ne ia a te Tala 'Lei a Iesu Keliso.

Tusi Faitau: Galuega 15: 1-21

Fakatokaga mo Faiakoga

A Iosia ne fanau i Nanumea i te 19 Novema 1922. Ne kamata ana akoga i te 1928 i te akoga a te lotu tela e fai ne te faifeau o te fenua. Ne faka'soko ana akoga i te 1936 i Motufoua te akoga a te lotu kae i te 1945 ne fano a ia ki te akoga i Leulumoega i Samoa. Ne faka'soko atu loa ana akoakoga i te 1953 i Malua Theological College. Ne iku mo te manuia ana akoakoga i kona tela ne talia i ei ke fano ki New Zealand ki te Congregational Theological College i te 1957. Ne toe fano i se tausaga e tasi o akoga ki mea tau Boy's Brigade i Palmerston North College i te 1961.

I te 1962 ne foki mai a Iosia ki Tuvalu nei ke galue fakatasi mo te Misionale ko Brian Ranford i te fakatokaga o te Ekalesia Tuvalu ke tutokotasi mai i Samoa. Ne fetau tonu a tena oko mai mo te Fono Lasi a te Ekalesia i Nukufetau tela ne fau ei a ia. I te 1964 ne sui ne ia a Ranford kae fai a ia mo tino Tuvalu muamua ke fai mo Failautusi Ao'ao. I kona foki loa ne faipoipo ei a ia ki a Tavau Elisaia. Ne kamata loa i kona a

ki falepuipui

Fakamaina ki tama'liki a te tulaga o te falepuipui mo ana fakanofonofoga i te otou fenua pela foki mo te Falepuipui lasi i te Laumua.

Fakatomuaga: Kai lavea aka loa ne koutou ne pagota? A tatou e 'tau o alofa ki pagota me ikai?

Akoakoga:

A pagota ko tino kola ko 'pei ki loto i te Falepuipui ona me ko fakasala a latou me e isi ne lotou mea 'se ne fai. E isi ne tino e fai mai me i pagota ne tino e amio ma'sei, ikai, a te tonuga, a tatou e 'pau katoa loa mo latou kola ko fakasalagina i fakasalaga faka-te-malo. A latou ne fakasala ona me e isi ne tulafono faka-te-malo ne soli ne latou kae ko se tau'tali a latou i ei. E uke foki a tulafono e soli saale ne nisi o tatou kae ko tatou la e seki 'poa ne Pulisimani. Ko nisi tulafono kola e tai 'mafa a lotou sala, konei a tulafono e 'pei ei a tino ki te falepuipui. A tino katoa e 'nofo foki i loto i te falepuipui o te agasala i te lalolagi tenei, kae ko Iesu ne vau o fakamagalo a 'tou agasala ko tatou ke saoloto, Tela la, e 'tau eiloa mo tatou o a'lofa kae atafai ki a latou kola i loto i falepuipui. Tama'liki, e iloa ne koutou ia koutou e 'nofo foki i loto i te falepuipui o te agasala? Tino katoa ko agasala! Kae e iloa ne koulua me i te Atua ne alofa mai ki a tatou tela ne uga mai ei ne Ia a tena tama fagasele eiloa e tokotasi ko Iesu? Ne vau a Ia o mate mo 'tou agasala, ko tatou ke fakasaoloto mai loto i te falepuipui tenei o te agasala. Tela la, ke talia ne koutou a Iesu ke fai mo Fakaola i otou olaga, me ko Ia fua e mafai ne Ia o fakasaoloto mai a tino mai i te agasala mo te mate

fai talosaga mo latou kola e ma'saki, latou kola e tigaina mo latou foki kola e se katoatoa olotou foitino. Fakamanuia ne koe a latou i te taeao nei ona ko Iesu Keliso. Amene.

Ulutala 25: Galuega ki te Falepuipui.

Pogai: Ke akoako a tama'liki ke a'lofa ki a latou kola ko fakasalagina i loto i Falepuipui.

Tusi Faitau: Mataio 25:31-40.

Fakatokaga mo Faiakoga:

A te Galuega ki te Falepuipui e 'pau eiloa mo te galuega ki te Fakaimasaki, ne galuega fesoasoani katoa e folafola atu ei a te Muna a te Atua, e fakamalosi atu ei mo latou vaivai kae maise ko te loto salamo patonu ki te masei kae ke 'fuli katoatoa mai ki a Iesu Keliso. A te galuega ki te Falepuipui se galuega fai i Aso-tapu o vaiaso katoa. E isi foki ne galuega fesoasoani i tulaga tau te polopolokiga, feitu faka-te- agaga mo sauniga fakapitoa ei pela mo te Vaiaso Tapu, te Maliu mo te Toetu, mo te Kilisimasi ei. I te faipatiga a Iesu tenei, e faka'mafa ne ia a te tulaga alofa, atafai, mo te fesoasoani ki so se tino tela e se taulia i manatu o tino, kae e taulia 'ki loa ki a Ia. A tatau e 'tau eiloa o ola i se olaga fakatau a'lofa ki so se tino tela e fia maua ne ia se fesoasoani. Fakamalosi ki tama'liki ke lavea faka'lei ne latou a te taua o te olaga fakatau fesoasoani mo te fakatau a'lofa tela e manako mai a te Aliko ke ola tatou i ei aua tatou ko ana fanau.

Mea akoga mo fakamaina ei a te mataupu:

Fakamaina ki tama'liki me kai a e 'pei ei a tino

tena galuega ki te tusiga o te fakavae o te Ekalesia. Ne faimalaga a ia i fenua katoa o fai fono mo Kaulotu takitasi kae i te 1965 ne oti ei te tusiga o te fakavae o te lotu. I te 1978 ne tofi a Iosia o kamata te Ekalesia Tuvalu i Nauru kae ne foki mai i te 1985 olo foki loa o tausii a Vaitupu. 1990 ne litaea ei a Iosia mai te Galuega a te Aliko.

I te galuegaga a Iosia faka-Failautusi ne faimalaga sale a ia o sui a Tuvalu ki fono i te Pasefika mo fenua ki tua atu. Ne fai foki a ia mo Komiti (Executive & Steering Committee) a te Pacific Conference of Churches. I te 1964 ne kau a ia i te komiti tela ne fakatoka ne latou te Pacific Island Curriculum for Christian Education. Ne sui sale ne Iosia te Ekalesia ki te CWM mai tua o te galue malosi o laua mo Ranford ne kau ei a Tuvalu ki te fakapotopotoga tenei. A toeaina ne galue malosi i komiti tela ne toe fakatonutonu ne latou te Tusi Tapu, te Fakavae o te EKT, te Tusi Pese kae maise ko te faite o te Dictionary a Tuvalu i te 'gana Tuvalu.

Te fono i Ielusalema ne fai mo fakatonutonu a te tulaga o tino talitonu ona ko tino Iutaia e tau-mafai ko tino o fenua fakaatea kola ko 'fuli ki te talitonuga Kelisiano e tau o tautali ki Tulafono pela mo te pilitome. Ne kinau a Paulo, Panapa mo tino Iutaia i Anitioka kae ne iku ke olo ki Ielusalema ke maua se fakanofoga 'lei. Ne iku a te fono ke tusi se tusi kae ave ki tino Kelisiano i tua atu o Ielusalema mo fakatonutonu a olaga o Kelisiano. A Iosia Taomia ne fakatonugina foki ne te fono ke tusi a te fakavae o te Ekalesia mo takitaki kae fakateletele ki ei te Galuega te Aliko i loto i Tuvalu. Ne galue malosi foki a ia i te komiti tela ne fakavae ne latou a tusi akoga mo takitaki te galuega tau Akoga Aso Tapu. I te faifaiga tenei, ne fesoasoani a Iosia ki te takiga mo te fakatonutonuga o te olaga Kelisiano i loto i Tuvalu.

Mea Akoga mo fakamaina te mataupu:

Ke fakaasi te fakavae o te EKT ki tamaliki ke maina a latou i te galuega a Iosia ne fai Fakamatala faka'lei ki tamaliki me i tusi akoga palagi mo tusi faka-Tuvalu ko galuega ne fesoasoani ki ei a toeaina.

Fakatomuaga:

Kamata ki te fesili ki tama'liki me ko oi e tau a tona gafa ki a Iosia? Toe fesili foki ki tama'liki me ko oi ko oti ne sau'tala mo Iosia?

Akoakoga:

Tamaliki, e lavea ne tatou I te galuega ne fai ne Iosia. Ne lasi a te tusaga ne fai ne ia mo te Aliko. Tela la e fanau ko taua ke fakaoga a taa olaga katoa mo fai a tena fekau mo tena galuega.

Mea fai a tamaliki

Lomi a ata o Paulo mo Iosia
Fai ki tamaliki ke olo o sautala mo Iosia

Fuaiupu Tauloto: Mataio 4: 23

Pese: Fili mai te tusi pese

Talosaga

Te motou Tamana faka-te-lagi, e moli te fakafetai a matou ki a koe ona ko au tavini kola ne galue malosia o folafola a Iesu i loto o Tuvalu nei. Ke fakamanuia ne koe a latou katoa kola e ga'lue fakamaoni i aso nei o folafola a Iesu ki tino katoa, amene.

Ulutala 16: Rev. Alovaka Maui

Pogai: Ke fakamaina ki tama'liki me i te tau-mafaiga a Alovaka mo te Komiti Fuli Tusi Tapu o fuli a te Tusi Tapu Tuvalu, se tusaga tafasili i te

Akoakoga:

A te masaki faka'mate ko te masaki tela e 'mate ei a te foitino feitutasi (stroke). Se tulaga faigata 'ki kae fakaalofa ki te tino mafai e maua ne te masaki tenei, aua me ko se katoa-toa a tena malosia kae ko se maua foki ne ia o tausi a tena foitino eiloa kae ko manakomia faeloa ne ia se fesoasoani mai se isi tino. A te tagata tenei ne sausau mai fua ne nisi tino ki a Iesu me ko se maua ne ia o sasale. Ne seki 'tuli ne Iesu a tino konei ke olo keatea kae ne alofa eiloa o faka'lei a te masaki o te tagata tenei. A te Galuega ki te Fakaimasaki se galuega fesoasoani, se galuega alofa, kae se galuega fakatino foki o te alofa atafai o te Atua. A tatou foki e tama'liki, e 'tau mo tatou o a'lofa ki tino kola ko ma'saki kae ke se 'kata fakatauemu tatou ki a latou. E 'tau foki mo tatou o 'talo mo latou kae fesoasoani ki a latou kola e ma'saki i 'tou kaiga me i loto i 'tou fale, e manako mai a te Aliko ke pena o alofa a tatou ki a latou kola ko maua a lotou foitino ne ma'saki.

Mea fai a Tama'liki:

Fakafesilisili me nea a tulaga kola e mafai ei ne tatou o fesoasoani ki a latou kola ko ma'saki?

Fuaiupu Tauloto: Mataio 25:36; 43

Pese: Fili mai te tusi pese

Talosaga: Te Atua te motou Tamana, fakafetai mo foitino malosia ne tuku mai ne koe ki a matou i taeao o tou Asotapu tenei. Fesoasoani mai ki a matou ke iloa ne matou o a'lofa kae

Tusi Faitau: Mataio 9:2-8

Fakatokaga mo Faiakoga:

A te Galuega ki te Fakaimasaki e aofia i ei a te asiasiga i vaiaso takitasi kae failotu fakatasi mo masaki, te fai talosaga mo latou kola e fia maua se fesoasoani mo se fakamalosiga maise i te feitu faka-te-agaga, te failotu fakatasi i te Vaiaso Tapu, mo te faigameaalofa ei i te Kilisimasi kae usuusu pese mō latou. I tafa o tiute masani konei, a te Faifeau mō masaki e mafai faeloa o fesoasoani ki tino ma'saki i so se manakoga o latou tela e mafai ne ia o fakataunu. A te galuega tenei se galuega alofa tela e fakaasi ei ne tatou a 'tou a'lofa mo tino kola ko masaki, tino tigaina mo tino ko fia maua se fesoasoani ona ko Iesu ne alofa foki ki tino katoa penei kae akoako mai ke pena foki tatou o a'lofa ki a latou.

A Iesu ne fakaasi a tena alofa mo te 'mana kae faka'lei ne ia a te tagata tenei tela e faka'mate a tena foitino. Ne lavea ne Iesu a te fakatuanaki o latou kola ne aumai ne latou a te tagata tenei (*ff-2e*). Akoako ki tama'liki me mafai foki ne tatou o faka'lei a tino ma'saki manafai a tatou e fakatuanaki ki te Atua kae fai talosaga ki a Ia e auala ia Iesu Keliso.

Mea akoga mo fakamaina ei a te mataupu:

Fakaaoga a te ata napa 65 (masaua me i te mea nei se tala fakaatea kae e mafai o fakaaoga mo fakaasi ei a te 'mana faka'lei masaki o Iesu.)

Fakatomuaga: Kai lavea aka loa ne koutou se tino e faka'mate a tena foitino? ('mate feitutasi)

taua mo te folafolaga o Iesu ki tino katoa.

Tusi Faitau: Galuega 19: 1-12

Fakatokaga mo Faiakoaga

Alovaka Maui ne fanau i Niutao ki ana matua tonu ko Laava Iafeta mo Rakera Banian kae ne puke ne Maui Teo mo Taotao kae ne olo mo laua ki Tarawa i te 1947, tela ne kamata ana akoga i kona. Ne ulu foki a ia ki King George V School i Bikenibeu i te 1955 ki te 1959. Ne maua tena avanoa ki Malua Theological College i te 1960 ki te 1964. Ne toe ulu a ia ki Tangintepu i Tarawa i te 1965, mai i kona ne fanatu a ia ki te Pacific Theological College i te 1966 ki te 1969. Ne foki mai a ia i te 1970 o tausi te galuega i Funafuti kae fano a Morikao Kaua ki te FIT kae galue foki faka-masani i te Methodist i Fiti ki te poto i mea tau akauni mo te tausiga o tupe i te leva e ono masina. I te Fono Lasi i Nui i te 1970 ne fau ei a Alovaka kae ne galue o takitaki te Komiti 'fuli te Feagaiga Fou kae tumau te tausi ne ia o Funafuti ke oko mai a Morikao Kaua.

Ne galue fakapitoa a Alovaka o takitaki te Komiti 'Fuli o te Feagaiga Fou ke oko loa ki taimi ne fano ei a ia o akoga i Niusila i te 1977. Ne foki mai a ia i te 1978 kae i te Fono Lasi o tausaga tena ne tofi ei a ia ke fai mo Failautusi Ao'ao o te EKT. I te 18 o Apelila 1982 i te fakaimasaki lasi i Funafuti ne mate ei a Alovaka Maui.

A Paulo mo Apolo ne fetau i Efeso kae ne fakatonu i kona a la talitonuga e uiga ki te talitonu e uiga mo te papatisoga tela ne iku ke papatiso a latou i te igoa o te Aliko ko Iesu Keliso maua foki ei ne latou te Agaga Tapu kae valo a nisi fakapelofeta. Ne folafola te muna ne Paulo mo tena kaumalaga i loto i te lua tausaga kae ne 'logo a tino i Asia Foliki i te Tala 'Lei e uiga ki a

Iesu. Ne pena foki te tusaga o Alovaka i loto i te Tala `Lei. Ne takitaki ne ia te galue ki te fuliga o te Tusi Tapu. I te otiga o te Feagaiga Fou ne maua ne tino Tuvalu i faitu e fa o te lalolagi a te Muna a te Atua mo te Tala `Lei a Iesu Keliso i te `gana tonu loa a latou. E tokouke a tino ne faka`lei a olotou olaga masaki pela mo masaki kola e fakapisi ne te agasala ne maua foki ne latou te ola fou; ne fetau foki a latou mo Iesu i te faitau o latou ki te Tusi Tapu.

Mea Akoga mo fakamaina te mataupu:

Ata

Flash card

Fakatomuaga:

Kamata te akoga ki te fesili ki tamaliki me ko oi ia latou e kaiga mo Alovaka Maui?

Akoakoga:

Tamaliki, e lavea ne tatou a tusaga ne fai ne tavini a te Atua I tusaga kesekese ne kalagagina ei latou kiei. Tiga loa te kesekese o kalaga a Tavini a te Atua kae tokotasi loa te tino e tavini latou kiai, ko te Atua. E tena foki e fanau ko taua ke fiafia o fai a te galuega a te Atua, aua me muna a te tusi mese maumau a taa galuega e fai mo te Aliko.

Mea fai a tama`liki

A tama`liki ke `sala mai ne latou te Tusi Tapu (Feagaiga Fou) tela ne `fuli ne Alovaka mo te Komiti o Tusi Tapu kae ke aumai mo latou ki te akoga i te sua Aso Tapu.

Ke lomi ne tama`liki te ata o Paulo e faka`lei ne ia te tino masaki.

Fuaiupu Tauloto: Salamo 119: 105

sigina ne latou a te Tusitapu, mata e mafai e iloa ne tino i aso nei o iloa a te Atua?

Akoakoga:

Te galuega fesokotakiga e tamaliki e lavea ne tatou mese auala foki tena e fakaoko ai a te talalei ki tino e auala I te lama io me ko te tusi failotu. E uke auala e fanau e mafai ai o fakaoko a te tala`lei ki tino. Kae maise loa poto I ona aso nei e auala I te internet ko vave kii te mafai o fakaoko a te tala`lei ki faitu e faa o te lalolagi.

Mea fai a Tama`liki:

Ke fakalogo`logo faka`lei kae ke faitau atu ne te Faiakoga a te Tala mō Tamaliki i loto i so se kopi o te Lama e fakamalosi ei a tama`liki ke fiafia o faitau saale ki te Lama.

Fuaiupu Tauloto: Salamo 102:18 “Fakamau ki lalo i tusi a mea ne fai ne te Aliko, ko te mea ke iloa ne kautama fakamuli, mo tino kola e seki fanau mai; ke tavae atu latou ki a ia.”

Pese: Fili mai te tusi pese

Talosaga: Fakafetai lasi te Atua mo tau tama ko Iesu Keliso tela ko fai mo Fesokotakiga o matou ki a koe. Ke fakatumau ne koe a te fesokotakiga gali tenei i omotou olaga ko te mea ke tumau foki matou ia koe i aso katoa e ola ei matou. Amene.

Ulutala 24: Galuega ki te Fakaimasaki.

Pogai: Ke akoako a tama`liki ke iloa ne latou o a`lofa kae fai talosaga mō tino masaki.

uega o Fesokotakiga.

Tusi Faitau: Salamo 102:18

Fakatokaga mo Faiakoga:

A te Matagaluega o Fesokotakiga ko te matagaluega tela e fakafeagai mo fesokotakiga fai i loto i te Ekalesia Kelisiano Tuvalu saukatoa. E fakatoka ne ia a lipoti mai i Ekalesia takitasi, e fakatoka ne ia a te Lama tela se tusitala e mafai ei a Ekalesia takitasi o 'logo i tala mo mea 'tupu i loto i te Galuega a Iesu Keliso. E tenei foki a te matagaluega tela e galue malosi ki te fakatokaga o polokame fai i luga i te Leo o Tuvalu pela mo lotu i taeao takitasi mo polokalame o suksesukega ki te Tusitapu. Tasi o polotieki taua e fakatoka nei ne te Matagaluega tenei ko te tusitusiga o te Tala Tukufakasolo o te okomaiga o te Tala 'Lei ki Tuvalu nei. E uke ki foki a nisi tusaga kola e faigina ne te Matagaluega tenei e fesoasoani ei ki te fakalauefaga o te Tala 'Lei a Iesu i loto i te Atufenua, e pela foki mo tua atu. I te Salamo o te taeao nei, e aumai ei a te agaga o te *"tusi ki lalo a mea kola ne fai ne te Atua ke fai mo akoakoga ki nisi tino"* E fakataua i konei ko te fakamaumauga faka'lei ki lalo o mea katoa kola e taua mō te olaga ko te mea ke mo'a e puli fakamuli. E tenei a te taua o te Matagaluega tenei i loto i te Ulu Ofisa.

Mea akoga mo fakamaina ei a te mataupu:

Fakatoka ne kopi o te Lama mo te Tusi Failotu i Kaiga ke fakaasi ki tama'liki. (kona a nisi o fakatokaga a te Matagaluega tenei.)

Fakatomuaga: Moi fai ke seai ne tino ne tu-

Pese: Fili mai te tusi pese

Talosaga:

Te motou Tamana faka-te-lagi, e fakafetai atu a matou mo te olaga o tau tavini ko Alovaka mo te tusaga ne fai ne ia. A ko matou e talo ke fesoasoani mai tou agaga ko matou ke fai foki mo tavini aoga mo tou Malo, amene.

Ulutala 17: Brian Ranford

Pogai: Ke iloa ne tama'liki me ia Ranford ne vau ki Tuvalu o folafola a Iesu i te fakatokaga mo te lomiga o tusi failotu mo Tusi Tapu mo fakavae ei a te galuega tu-tokotasi a te Ekalesia i Tuvalu nei.

Tusi Faitau: Iona 3: 1-10

Fakatokaga mo Faiakoga

I te 1958 ne oko mai te faifeau Egelani ko Brian Ranford (Lenifoti) mo tena avaga ko Margret tela se sister i galuega tau fakaimasaki. A laua ne aumai ne te LMS ke fakatoka a te tusauloto o te Ekalesia Tuvalu mai te pulepulega a Samoa pela foki mo te taumafaiga ke 'fuli a te Tusi Tapu ki te 'gana Tuvalu.

I te 1961 ne kamata a Ranford o tauloto a te 'gana Tuvalu kae fakatoka foki o lomi a te Tusi Failotu tela e fakaaoga ne Faifeau mo fai a tapuakiga. I te 1959 ne lomi ei te Tusi Failotu kae i te 1962 ne kamata ei te 'fuliga o te Tusi Tapu. Ne galue malosi a Ranford mo te komiti fakatononu o te Tusitapu o 'fuli a te Tusi ko Maleko tela i te po 12 o Novema 1969 ne oko ei ki Tarawa a te 2000 o tusi a te Evagalia ko Maleko i te lomiga muamua eiloa. E tusa mo te 5 tausaga ne 'fuli ei ne Randford mo tena Komiti Fuli Tusi-

tapu a te Evagalia a Maleko. Ia Tesema i te tau-saga foki loa tenei e 1969, ne toe `foki atu ei a Brian Ranford ki Egelani.

Te fakalogo o Iona ki te Atua tela ne fano i ei a ia ki Nineva o folafola a te fekau a te Atua. Ne oko te fekau a te Atua ki te tupu e auala i te fakalogo o te pelofeta ko Iona. Ne salamo a tupu ki ana agasala kae pei ki gatu lautaga fakatasi mo tino o tena fenua. Ne fakasaogina a Nineva mai te fakalogo muna o Iona ki te fekau a te Atua.

A Brian Ranford ne fakalogo ki te uga mai o ia ne te LMS ke vau ki Tuvalu o folafola a Iesu e auala i te fakatokaga te tu-saoloto o te Ekalesia Tuvalu mai i te Pulega a Samoa, te faitega o te Tusi Failotu mo te fesoasoaniga ki te fuliga o te Tusi Tapu ki te `gana Tuvalu.

Mea Akoga mo fakamaina te mataupu:

Fakaasi te Tusi Failotu ki tamaliki

Fakaasi ki tamaliki te Tusi a Maleko tela ne lomi muamua loa i te otiga ne `fuli kae ne fesoasoani a Ranford o fuli ki te `gana Tuvalu

Fakatomuaga:

Kamata te mataupu ki te fesili ki a tamaliki me ko oi ko oti ne lavea ne ia te Tusi Failotu tela ne fakatoka ne Brian Ranford?

Akoakoga:

Tamaliki, e lavea ne tatou a te taua o te fakalogo o taua ki te leo o te Aliko. I te fakalogo o Iona tela ne fakaolagina iei a Nineva. E tokouke tino kola e manakomia o fakaoko a te leo o te fakaolataga, kae manakomia ko koe mo au ke fakaoko ne taua te fekau.

Mea fai a tama`liki

A tama`liki ke `sala mai ne latou a tusi kola ne

Ekalesia takitasi katoa. Ko te lima malosi me ko latou kola koi malosi i te faiga o galuega a te Ekalesia i ana atiakega mo ana fakamoemoega. E uke ki a tusaga taua foki e mafai o fai ne te Kautalavou pela mo lauga, pese, Akoga Asotapu, kae maise ko olotou olaga fakaasi mo olotou olaga tautua ki te Ekalesia. Mai i te tusi faitau a tatou i taeao tenei, ko akoako atu a Paulo ki a Timoteo ke se ma pela me ia ia koi foliki, kae ne fakamalosigina ne Paulo ke fai eiloa a tena tusaga talavou o folafola atu a Iesu ki tino katoa. Tela la, tatou tama`liki e tau ke malama`lama faka`lei i te taua o te Kautalavou aua me ia tatou ko te Talavou o te aso a taeao. Tatou katoa ne filifiligina kae kalagagina ke fai tatou mo soko o Iesu, tela la, e isi katoa ne vaega o tatou takitokotasi i loto i te Galuega Fakatonugina a Iesu.

Mea fai a Tama`liki:

Ata o galuega a Talavou I loto I te Ekalesia manafai e isi.

Fuaiupu Tauloto: 1 Kolinito 15:58

Pese: Fili mai te tusi pese

Talosaga:

Te Aliko, fesoasoani kia matou fanau ke lavea ne matou a te taaua o Talavou I loto I te Ekalesia kae ke iloa foki ne matou manafai ko `tupu ake omotou olaga e pela mese Talavou.

Ulutala 23: Matagaluega o Fesokotakiga.

Pogai: Ke fesoasoani ki tama`liki ke malama`lama a latou i galuega fai a te Matagal-

Fakatokaga mo Faiakoga:

A te Kautalavou se vasega io me se fakapotopotoga e tasi i loto i te foino lavea o Iesu tela ko te Ekalesia. Se vasega e taua ki loa aua me tenei a te vasega tela e fesoasoani ki te fakamalosiga o te sokoga o te olaga tamaliki ki te olaga o te tino matua. I loto i te Ulu Ofisa o te Ekalesia Kelisiano Tuvalu i Funafuti, e isi se Matagaluega mō Talavou tela e aofaga kae fakatoka ne ia a auala kese'kese kola e mafai ei o fakamalosigina a te olaga talavou mō Keliso i tulaga o akoakoga mo nisi polokalame pela foki mo fesokotakiga ki fakapotopotoga a Talavou i tua atu o te Atufenua.

A Paulo i tena lua o tusi tenei ki tena tama i te fakatuanaki ko Timoteo, ne fakamalosi ne ia me i te tulaga talavou e se tau o manatu mama ki ei a tino kae ke fai mo faka-akoakoga i tulaga kola e gali kae atagina i ei a Iesu Keliso. A te manatu maluga i konei, ko talavou ke amanaiagina i loto i te Ekalesia kae ke fai a lotou tusaga mo te Galuega a Iesu Keliso i te mea tela e tau tonu mo latou.

Mea akoga mo fakamaina ei a te mataupu:

Fakamaina ki tamaliki a galuega fai a te Talavou i te outou Ekalesia kola e fakaasi ei a te olaga tautua o te Talavou ki te Galuega a Iesu Keliso.

Fakatomuaga: Nea a galuega a te Kautalavou e iloa ne koutou e fesoasoani ki te folafolaga o te Tala `Lei a Iesu Keliso?

Akoakoga:

A te Kautalavou se vasega taua ki loa i loto i

fesoasoani a Brian Ranford o `fuli kae faite
Faitau ki Tusi Failotu

Fuaiupu Tauloto: Luka 12: 43

Pese: Fili mai te tusi pese

Talosaga

Te motou Tamana, fakafetai lasi, lasi mo tau tavini tenei ne ofo a tona ola ke vau a ia ki Tuvalu nei o fesoasoani i te folafolaga o Iesu e auala i te `fuliga o te Tusi Tapu i te `gana Tuvalu. Ke fakamanuia ne koe a latou kola e galue o `fuli a Tusi Tapu i aso nei ma latou kola e seki ai se Tusi Tapu i te olotou `gana tonu, amene.

Ulutala 18: Meleta Faa'alo

Pogai: Ke fesoasoani ki tama'liki ko te mea ke maina a latou i tusaga o Meleta ne fai mo folafola a Iesu i tulaga kese'kese kola ne galue a ia i ei.

Tusi Faitau: Luta 2: 1-23

Fakatokaga mo Faiakoga

A Meleta ne fanau i tona fenua ko Nanumea i a 15 Ianuali 1958. Ne kamata ana akoga i te akoga lasaga muamua i kona kae ne fakasoko a ana akoakoaga i Tarawa i Elaine Bernacchi School i 1970 tela ne maua ei ne ia a te pepa maluga ko te Colony Junior Certificate of Education i te 1972. The Royal Society of Art Certificate i te 1974 mo te Cambridge Certificate of Education (GCE O-Level) i te 1975.

Ia Fepuali 1976 ne kamata o galue ei a Meleta e pela me se fafine taipa a te Ekalesia Kelisiano Tuvalu kae ne filigina a ia mo fai te takitaki o te fakapotopotoga a te Kau a Tamafine (Girl's Bri-

gade) i Tuvalu. Ne taofi ne ia a tofiga kona ke oko ki te 1979. I te 1980 ne akoga a Meleta mo tena tikuli (degree) i Bachelor of Divinity i te Akoga ko te Pacific Theological College. Ne avaga a laua mo te Faifeau ko Puafitu Fa'aalo ia Fepuali 1981 kae ne iku manuia tena akoga i te 1983. Ne foki mai ki Tuvalu kae ne fai a ia mo Failautusi a Fafine ia Iuni 1984 kae ne galue loa a ia i kona ke oko ki te olo tasi o ia mo tena avaga ki Ausitalia o fakasoko i ei a la akoga. Ne foki mai a laua i te 1991 kae ne galue a Meleta o fakatonutonu te Tusi Tapu Tuvalu ke oko loa ki tona mate i te Fakaimasaki lasi i Suva, Fiti i te Aso Lua 10 Ianuali 1995 ako toe lima a aso kae katoa lei tena 37 tausaga o tena olaga.

Ne sui sale ne Meleta te EKT i fono, akoakoga mo nisi faigamea i loto i te Atufenua, i te Pasefika, pela foki ki feitu e fa o te lalolagi. A ona uiga fealofani ke oko ki te lasi o tena tusaga fai i akoakoga mo fono ne ala ei o lauiloa malosi a ia i fakapotopotoga a fafine mo tino kola e iloa lei ne latou a Meleta.

A Luta se fafine Moapi kae ne takutakua a tona olaga i loto i tala tukufakasolopito a Isalaelu mai i tena fakamaoni o tausi a tena feagaiga tela ne fai ki te matua o tena avaga. Ne galue mo te loto alofa mo tena matua ko Naomi kae ne fakalogo foki a ia ki muna akoako a tena matua ko Naomi. Mai i luga o te lei mo te gali o ana faiga ki a Naomi ne salalau a tala e uiga ki a ia ke oko ki aso ne avaga ei a ia ne Poasa te kaiga tonu o tena avaga. Te tama a Poasa mo Luta ko Opeta a ko te tama a Opeta ko Iese te tamana o Tavita te tupu takutakua o Isalaelu.

A Meleta ne ola o tautua a tona Aliko i tausaga e 10 kola ne ola ei a ia. Ne fai mo failautusi mua-mua loa o te Fakapotopotoga a Fafine EKT. Ne

akoako ne latou ki olotou fanau talu mai te taimi ne fanau mai ei, e folafola ne latou kola e faia-koga Asotapu, ke oko foki loa ki tapuakiga fai a Fafine mo tapuakiga masani ia latou kola ko isi ne lotou tofi Failauga. A te fakaafega o tavini folafola a te Muna a te Atua se tusaga taua foki i loto i te Fekau mo te Galuega a te Atua.

E lavea ne tatou i te olaga o Litia mo te taua o tena tusaga ne fai mō te kaumalaga a Paulo, e lavea foki ne tatou i tou Ekalesia mo tusaga fai a fafine i galuega fai pela foki mo te tausiga o faifeau i loto i Ekalesia takitasi. Tela la, ke masaua ne tatou e tama'liki a te taua o fafine i loto i te Galuega Talai kae maise ko te Matagaluega o Fafine i loto i te Ulu Ofisa mo ana tusaga fai.

Mea fai a Tama'liki:

Tusi a igoa o fafine e galue i loto i te Matagaluega tenei a Fafine i loto i te Ulu Ofisa.

Fuaiupu Tauloto: Mataio 28:19-20

Pese: Fili mai tusi pese

Talosaga: Te motou Atua, fakafetai mo omotou matua ne tuku mai ne koe pela foki mo fafine katoa. Ke fakamanuia ne koe a te Matagaluega a fafine i loto i te Ulu Ofisa mo latou e galue i ei. Fakamanuia foki a lotou tusaga fai i te fakalauuefaga o tau muna i loto i te motou atufenua tenei, ona ko Iesu. Amene.

Ulutala 22: Matagaluega a te Kautalavou.

Pogai: Ke fesoasoani ki tama'liki ke iloa ne latou a te taua o kautalavou i loto i Ekalesia takitasi.

Tusi Faitau: 1 Timoteo 4:10-16

eiloa ana galuega fai mō fafine i te atiakega mo te fakamalosiga o te olaga faka-te-agaga, i loto i kaiga, fakapotopotoga kae maise i loto i te Fekau mo te Galuega a te Atua i loto i Tuvalu. E fakatoka ne te Matagaluega tenei mai loto i te Ulu Ofisa a polokalame a Fafine i mea tau akoakoga o te Tusitapu, mataupu talosia mō Lotu fakapitoa pela foki mo fesokotakiga mo Fakapotopotoga lasi a Fafine o te Pasefika mo te Lalolagi i tua atu o te Atufenua. I te tusi faitau a tatou, a Litia se fafine mai te fakai o Tuatila, ne fetau mo Paulo i Filipi i te lua o ana Malaga Fakamisionale. A Litia se fafine fai pisinisi laugatu tela e fakatau atu ne ia ki tino a laugatu lino lanu violeti tela se iloga takutakua e tasi o tena fakai ko Tuatila i Asia foliki. E se iloa tonu me ne fano o a a Litia ki Filipi i te taimi nei kae e mautinoa me ia ia e fakatau atu ne ia a vaega laugatu konei ki tino. Ne fakaafe ne Litia mo tena kaiga a te kaumalaga a Paulo e fakaasi ei a tena olaga talitonu ki te Atua kae maise ko tena tautua atu ki te galuega talai a Iesu Keliso. A tusaga `lei katoa penei ne tulaga tautua katoa o tatou ki te Atua e fakaasi ei a tou alofa ki a Ia

Mea akoga mo fakamaina ei a te mataupu:
Fakamatala malie mai i te ata o te Lua o Malaga Fakamisionale a Paulo a koga konei, Tuatila, Filipi mo Maketonia.

Fakatomuaga: E mafai pefea ne fafine o talai atu a te Tala `Lei a Iesu Keliso ki nisi tino?

Akoakoga:
A te Galuega Fakatonugina a te Aliko tela ne fakalogologo a tatou ki ei i te vaiaso tela ko teka, ne seki fakatonu mai fua ki tagata kae se fatonuga mō tino katoa e aofia i ei ko tamaliki mo fafine foki. A fafine e lasi ki a te lotou tusaga i te folafolaga o te Tala `Lei a Iesu Keliso, e

galue a ia mo te loto faikimua mo te fakamaoni mo te fakapotopotoga a Fafine i Tuvalu, i te Pasefika ke oko foki loa ki Kaunisela a Fafine i tua atu o te Pasefika. Ne kamata foki ne ia te galuega ki te fakatonutonuga o te Tusi Tapu mai mea `se kola ne maua i te lomiga tena. E pena te folafola atu o Iesu ne Meleta i tausaga ne ola ei a ia.

Mea Akoga mo fakamaina te mataupu:
Tamaliki ke `kilo ki te fafanua o Tuvalu kae `sala te fenua ko Nanumea.
Flash card

Fakatomuaga:
Kamata te mataupu ki te fesili ki tama`liki me ko oi ko oti ne lavea ne latou a Meleta? Kae ko oi foki ia latou e kaiga ki a Meleta?

Akoakoga:
E lavea ne taua tamaliki a te tusaga ne fai ne Meleta. Ne fakaoga a tena olaga ke oko loa ki te taimi ko oti atu aia mo te olaga nei. Tamaliki e tena foki loa te mea e manako kiai te Atua mo taa olaga. Me sea te tofiga e tofia ai koe, ka ko te Atua e manako I te koga tena e galue ei koe ke fai koe mo auala e oko ei te fekau kia latou kola e galue tasi koutou io me ko tamaliki akoga kola e akoga tasi koutou. Muna Paulo ia Filipi 1:21 "...te ola kia ia ko Keliso.." ko tena uiga muna Paulo I te taimi koi ola ai I te olaga tenei a ia e ola mo Keliso.

Mea fai a tama`liki
Tamaliki ke lomi a te ata o Luta e taetae saito i te fatoaga o Poasa
Faka-koniseti te tala o Luta mo Poasa

Fuaiupu Tauloto: Filipi 1:21

Pese: "Go tell it on the mountain ..." io me fili mai te tusi pese

Talosaga

E vikia ne matou a tou alofa tumau e auala i au tavini kola ne fakaasi mai ne latou te olaga tavini mo te fakamaoni mo te fai ki mua o folafola atu a Iesu i tusaga ne panaki mo latou. Tuku mai tou agaga ke takitaki ia matou, ko matou ke folafola foki ne matou a Iesu i so se galuega e fai ne matou, amene.

Ulutala 19: Pisila T Samuelu

Pogai: Ke akoako a tama'liki ke maina a latou i te olaga galue o Pisila mo te folafolaga ne ia a Iesu e auala i tusaga ne fai ne ia e pela me se avaga a te faifeau, ke oko ki tusaga ne fai ne ia i te taimi ne moe ei te toeaina.

Tusi Faitau: 2 Tupu 4: 8-17

Fakatokaga mo Faiakoga

Ne fanau a Pisila Telii Samuelu i te 28 Mee 1940 i Malaeola, Itu-o-Tane, Savaii i Western Samoa. Ne kamata ana akoakoga i Samalaelu Primary School, Avao Itu-o-Tane District School mo Leulumoega Fou High School.

I te 23 Ianuali 1960 ne faipoipo ei a Pisila mo Telii Samuelu. I te 1961 ki te 1973 ne galue ei a laua i Nukulaelae, kae i te 1974 ki te 1978 ne ga'lue a laua i Nanumaga. Ne toe tofi a laua ke galue i Nukufetau mai te 1980 ki te 1986. Mai i kona ne kalagagina a laua ki te tofi Pelesitene o te Ekalesia Kelisiano Tuvalu i Funafuti mai te 1986 ki te 1990. Ne toe manakogina a Telii mo Pisila ke olo o galue i Nauru kae ne seki oti te la tausaga e tasi kae masaki a te toeaina tela ne foki mai ei a laua ki Funafuti nei ke oko loa ki te

tou tiute tenei. A koutou foki e tama'liki e isi foki se outou vaega taua e tau o fai i te talaiatuga o te Tala 'Lei a Iesu Keliso. E tau mo tatou o folafola atu a tena muna i tou uiga fakaasi mo tou pati e fai i aso takitasi o tou olaga. E mafai foki ne tino i tou tafa o iloa a te Atua manafai e lavea ne latou a te Atua i tou olaga fakaasi, i tou faiga mo tou pati e fai. Tela la e tama'liki, manatua me e isi foki se tusaga taua o koutou e tau o fai i te talaiatuga o te Tala 'Lei a Iesu Keliso i tou olaga katoa.

Mea fai a Tama'liki:

Fakasautala a te fesili tenei mo tamaliki katoa kae fesoasoani o tai fakamaina atu i tulaga kola e tau i ei. *E talai ne koe pefea a te Tala 'Lei a Keliso Iesu i tou olaga tamaliki?*

Fuaiupu Tauloto: Mataio 28:19-20

Pese: Fili mai te tusi pese

Talosaga: Fakafetai te Atua i tou alofa ne au-mai ei ne koe a tau Tala 'Lei ke oko mai ki a matou, ko mafai ei matou o fakaolagina i te talitonu mo te fakatuanaki ki a Iesu Keliso. Akoako mai matou ke iloa ne matou o fiafia o talai atu foki tau Tala 'Lei ki tino katoa i omotou tafa. Amene.

Ulutala 21: Matagaluega a Fafine.

Pogai: Ke fakamaina faka'lei ki tama'liki a te taua o te tusaga o Fafine i loto i te Galuega Talai.

Tusi Faitau: Galuega 16:11-15.

Fakatokaga mo Faiakoga:

A te Matagaluega tenei a Fafine e fakasino tonu

nuga tenei e fakaigoa saale pela me ko te **Galuega Fakatonugina a te Alik**i mō tatou katoa tino talitonu ki a Iesu, a tatou katoa, ke oko foki loa ki tamaliki, e tau o fai mo tino talai o te Tala 'Lei ke fai a tino katoa i te lalolagi nei mo soko o Iesu. A te galuega o te Matagaluega tenei ko te fakatokaga o polokalame talai mō te Ekalesia saukatoa pela foki mo mataupu mo fai a akoakoga a vasega kese'kese i loto i te Ekalesia, e aofia i ei ko te Akoga Asotapu, Kautalavou, Kausaili mo akoakoga ei kola e mafai o fakatō ki loto i te Lama mo polokalame fai i luga i te Leo o Tuvalu. E isi foki ne akoakoga e ave ki fenua takitasi ne potukau fesoasoani mai loto i te Ulu Ofisa, nisi i tulaga o akoakoga loa i luga i te Laumua mō tamaliki, Talavou, pela foki mo Ekalesia takitasi.

Mea akoga mo fakamaina ei a te mataupu:

Maufaufau kae fakatokatoka se tala io me so se fakamatalaga tela e mafai ei ne koe o tai fakamaina a te Talai atu o te Tala 'Lei i loto i Tuvalu nei maise i olaga o tamaliki.

Fakatomuaga: Kafai e seai lele e iloa ne tino e talai ne latou a te Tala 'Lei a Iesu Keliso i te lalolagi nei, mata e mafai ne tino o iloa a te Atua?

Akoakoga:

A te Matagaluega Talai mo Akoakoga Faka-Kelisiano e lasi 'ki a tena tusaga fai i aso takitasi i loto i te Ulu Ofisa a te Ekalesia Kelisiano Tuvalu mō te fakamalosiaga o te Talaiga mo te Akoakoga o te Tala 'Lei a Iesu Keliso i auala kese'kese. A te mea nei se tiute tauave a te Ekalesia saukatoa i te faka'logo o tatou ki te Galuega ne fakatonugina mai ne tou Alik Fakaola ko Iesu ke fai i te lalolagi nei. Mai luga i tou alofa mo tou fakalogo ki tou Alik, e tau e iloa mo tatou o fai a te

taimi ne moe atu ei a ia i te 1993.

Te olaga galue o Pisila mo tona Alik e seki fakatuakoigina ne te olaga tautua o ia ki tena avaga kae ne tofigina kae ugagina i taimi e uke ne te EKT ke tavini atu a ia i tusaga konei: I te masina o Apelila 1960 ne tofi a Pisila ne te Misi ko Ranford ke fai mo Liutenant o te Girls Life Brigade i Nanumea kae ne fai a ia mo Captain i te galuega a laua i Nukulaelae i te 1961. Ne sui ne ia a te vasega tenei (Tamafine o te Ekalesia Elise) ki te fonotaga a Asia mo te Pasefika tela ne fai i Fiiti ia Fepuali 1964; i kona ne taku ei te vasega tenei ki te Girls Brigade mai i tona igoa mua tela ko te Girls Life Brigade. I te 1976 ne tofi ei a Pisila ke olo mo Iosia mo Alovaka ki te fono a te PCC i Port Moresby; mai i kona, ne faka'soko atu loa te malaga a Iosia mo Pisila ki te fono a te WCC i sua feitu o Papua New Guinea ko Popondeta. I te 1980 ne fai a ia mo sui e tokotasi ki te malaga asiasi a Fafine o te Pasefika ki te Uniting Church PNG mo Solomona. Mai te malaga asiasi tena ne fakavae i ei te mafaufauga ke fai se Mafutaga a Fafine o te EKT.

Ke oko mai ki te taimi nei, a te olaga o Pisila e tumau e iloa a tena tavini atu ki tona Alik i loto i Akoga Asotapu mo Talavou a te Ekalesia o Vaiaku. A Vasega konei i te fakai ko Vaiaku ne lasi te tusaga ne fai ne te matua tenei ko Pisila i te fakavaeakega kae maise ko te Akoga Asotapu. E uke a fakalavelave mo faigata pela mo te teke o tino ki ona uiga i loto i te galuega ne feagai mo te matua tenei i tona olaga tavini ki tona Alik, kae e penei ana muna: *"Au ne seki vau ki Elise [Tuvalu] o 'sala ne oku vikiga mo ne oku ta-vaega mai i tino. Au ne aumai ne te Atua ke fai te mea e loto a Ia ki ei."* Ki sua mea ne tupu ne fai atu a ia penei, *"Au seki vau o takolekole a koutou i te mea se tonu ke maua ei ne oku ta-vaega. E sili a toku fiafia ke inosia au i te mea-*

tonu e loto ki ei a te Atua, ne aumai ei ne ia au ki Elise."

Te tusaga taua ne fai ne te Fafine maumea i Sunema ko te tausī kae fagai faka'lei ne ia a pelofeta a te Atua. Ne fakatonu foki ne te fafine tenei ke ta se potu i te tuafale o te la fale mo fakamalolo sale a te pelofeta a te Atua. E tenei te tusaga folafola o te alofa o te Atua ne te fafine Maumea mai Sunema. Ne fakamanuiagina a galuega alofa a te fafine tenei ne te Atua i tuku mai ne ia a te fanau ma ia.

Te olaga o Pisila mai i te kamataga o te galuega a laua ke oko ki taimi ne moe ei te tavini a te Atua tela ko tena avaga, ne tautua fakamaoni ne ia a te galuega a te tavini a te Atua tenei e pela loa mo te Fafine Maumea mai Sunema. Ne fakasoko foki ne ia i tulaga kola koi mafai ne ia i Talavou mo te Akoga Aso Tapu pela foki mo te Fakapotopotoga a Fafine. E pena o maua ne ia te kai-sala mai i te Alikī ona ko tena olaga tavini o folafola a Iesu.

Mea Akoga mo fakamaina te mataupu:

Tamaliki ke onono ki te mape o te Pasefika kae `sala te fenua ko Samoa mo Tuvalu
Video - Pei te ata o te Pelofeta ko Elisaia mo ana galuega fakafoofogia tela e aofia i ei te ata o te Fafine Maumea mai Sunema

Fakatomuaga:

Kamata te akoakoga ki te fesili me isi se tamaliki e kaiga mo Pisila? Toe fesili me isi se tamaliki Nanumea i te vasega?

Akoakoga:

Tamaliki, e lavea ne tatou a te tiute ne fai ne te avaga a te tavini a te Atua ko Teli. Ona ko tena tautua tela ne mafai ai o uke a tusaga taua a te

tavini a te Atua ko Teli mo te Alikī. Tamaliki e uke kii a tusaga fesoasoani a taua e mafai ai o fesoasoani ki te fakalauefaga o te galuega a te Alikī.

Mea fai a tama'likī

Lomi te ata o te tama-fale tela e tasi te potu i luga o te fale lasi tela e papa te tuafale
Tamaliki ke usu te mako "A Nanumea te Fenua"

Fuaiupu Tauloto: Efeso 3: 7

Pese: Fili mai te tusi pese

Talosaga

Te motou Tamana tela i te lagi, ko fakafetai atu a matou ona ko olaga o au tavini kola ne tautua fakamaoni ne latou a tau galuega i olotou tulaga fakamatua. Fesoasoani mai Agaga Tapu ko te mea ke akoakogina a omotou olaga mai i faiga `lei a latou, amene.

VAEGA 4:- GALUEGA FAI A TE ULU-OFISA O TE EKALISIA KELISIANO TUVALU.

Ulutala 20: Matagaluega Talai mo Akoakoga Faka Kelisiano.

Pogai: Ke akoako a tama'likī ke malama'lama a latou i te taua o te talai atu ne tatou a te Tala `Lei a Iesu Keliso ki tino katoa.

Tusi Faitau: Mataio 28:16-20.

Fakatokaga mo Faiakoga:

Mai i te tusi faitau, tenei e iloa a te fakatonuga fakaoti a Iesu ki ona soko koi tuai a Ia o fanake ki te lagi, ana muna, *Olo atu koutou ki fenua katoa ke fai a tino i ei mo oku soko....* A te fakato-